

- 2.001.01a त्वमग्ने द्युभिस्त्वमाशुशुक्ष्णस्त्वमद्भ्यस्त्वमश्मनस्परि ।
- 2.001.01c त्वं वनेभ्यस्त्वमोषधीभ्यस्त्वं नृणां नृपते जायसे शुचिः ॥
- 2.001.02a तवाग्ने होत्रं तव पोत्रमृत्वियं तव नेष्ट्रं त्वमग्निदृतायतः ।
- 2.001.02c तव प्रशास्त्रं त्वमध्वरीयसि ब्रह्मा चासि गृहपतिश्च नो दमे ॥
- 2.001.03a त्वमग्ने इन्द्रो वृषभः सतामसि त्वं विष्णुरुरुगायो नमस्यः ।
- 2.001.03c त्वं ब्रह्मा रयिविद्वह्मणस्पते त्वं विधर्तः सचसे पुरंध्या ॥
- 2.001.04a त्वमग्ने राजा वरुणो धृतव्रतस्त्वं मित्रो भवसि दस्म ईड्यः ।
- 2.001.04c त्वमर्यमा सत्पतिर्यस्य सम्भुजं त्वमंशो विदथे देव भाजयुः ॥
- 2.001.05a त्वमग्ने त्वष्टा विधते सुवीर्यं तव गावो मित्रमहः सजात्यम् ।
- 2.001.05c त्वमाशुहेमा ररिषे स्वश्व्यं त्वं नरां शर्धो असि पुरूवसुः ॥
- 2.001.06a त्वमग्ने रुद्रो असुरो महो दिवस्त्वं शर्धो मारुतं पृक्ष ईशिषे ।
- 2.001.06c त्वं वातैररुणैर्यासि शंगयस्त्वं पूषा विधतः पासि नु त्मना ॥
- 2.001.07a त्वमग्ने द्रविणोदा अरंकृते त्वं देवः सविता रत्नधा असि ।
- 2.001.07c त्वं भगो नृपते वस्व ईशिषे त्वं पायुर्दमे यस्तेऽविधत् ॥
- 2.001.08a त्वामग्ने दम आ विशपतिं विशस्त्वां राजानं सुविदत्रमृञ्जते ।
- 2.001.08c त्वं विश्वानि स्वनीक पत्यसे त्वं सहस्राणि शता दश प्रति ॥

- 2.001.09a त्वामग्ने॑ पितर॑मिष्टिभिर्नर॑स्त्वां॒ भ्रात्राय॑ शम्या॑ तनूरु॑चम् ।
- 2.001.09c त्वं पु॒त्रो भव॑सि॒ यस्तेऽवि॑धत्त्वं सखा॑ सुशेवः॑ पास्या॒धृषः॑ ॥
- 2.001.10a त्वमग्ने॑ ऋभुरा॑के नमस्य॑श्स्त्वं वाज॑स्य क्षुम॑तो राय॑ ईशिषे ।
- 2.001.10c त्वं वि॒ भास्य॑नु दक्षि॑ दावने॒ त्वं विशि॑क्षुरसि॒ यज्ञमा॑तनिः ॥
- 2.001.11a त्वमग्ने॑ अदि॒तिर्दे॑व दाशु॒षे त्वं हो॒त्रा भार॑ती वर्ध॑से गिरा ।
- 2.001.11c त्वमिळा॑ शतहि॒मासि॑ दक्ष॑से त्वं वृ॒त्रहा॑ वसु॒पते॑ सर॒स्वती॑ ॥
- 2.001.12a त्वमग्ने॑ सुभृ॒त उत्त॑मं वय॒स्तव॑ स्पा॒र्हे वर्ण॑ आ संदृ॒शि श्रि॑यः ।
- 2.001.12c त्वं वाजः॑ प्र॒तर॑णो बृह॒न्नसि॑ त्वं रयि॑र्बहु॒लो विश्व॑तस्पृथुः ॥
- 2.001.13a त्वामग्ने॑ आदि॒त्यास॑ आस्यं॑ त्वां जिह्वां॑ शुच॒यश्च॑क्रिरे कवे ।
- 2.001.13c त्वां रा॒तिषा॑चो अध्व॒रेषु॑ सश्चि॒रे त्वे दे॒वा ह॒विर॑दन्त्याहु॒तम् ॥
- 2.001.14a त्वे अग्ने॑ विश्वे॑ अमृ॒तासो॑ अद्रु॒ह आसा॑ दे॒वा ह॒विर॑दन्त्याहु॒तम् ।
- 2.001.14c त्वया॑ म॒र्तासः॑ स्वदन्त॒ आसु॑तिं त्वं गर्भो॑ वीरु॒धां जज्ञि॑षे शुचिः ॥
- 2.001.15a त्वं तान्सं॑ च प्र॒ति चा॑सि मज्मनाग्ने॑ सुजा॒त प्र च॑ देव रिच्यसे ।
- 2.001.15c पृ॒क्षो यद॑त्र म॒हिना॑ वि ते भुव॒दनु॑ द्यावापृथि॒वी रोद॑सी उ॒भे ॥
- 2.001.16a ये स्तो॑तृभ्यो गोअ॒ग्राम॑श्चपेशसमग्ने॑ रा॒तिमु॑पसृजन्ति॒ सूर॑यः ।
- 2.001.16c अ॒स्माञ्च ताँश्च॑ प्र हि॒ नेषि॑ वस्य॒ आ बृ॒हद्व॑देम विदथे॑ सु॒वीराः॑ ॥
- 2.002.01a यज्ञेन॑ वर्ध॑त जा॒तवे॑दसमग्निं॒ यज॑ध्वं ह॒विषा॑ तना॒ गिरा॑ ।

- 2.002.01c समिधानं सुप्रयसं स्वर्णरं द्युत्तं होतारं वृजनेषु धूर्षदम् ॥
- 2.002.02a अभि त्वा नक्तीरुषसो ववाशिरेऽग्ने वत्सं न स्वसरेषु धेनवः ।
- 2.002.02c दिव इवेदरतिर्मानुषा युगा क्षपो भासि पुरुवार संयतः ॥
- 2.002.03a तं देवा बुधे रजसः सुदंससं दिवस्पृथिव्योररतिं न्येरिरे ।
- 2.002.03c रथमिव वेद्यं शुक्रशोचिषमग्निं मित्रं न क्षितिषु प्रशंस्यम् ॥
- 2.002.04a तमुत्तमाणां रजसि स्व आ दमे चन्द्रमिव सुरुचं हार आ दधुः ।
- 2.002.04c पृश्न्याः पतरं चितयन्तमक्षभिः पाथो न पायुं जनसी उभे अनु ॥
- 2.002.05a स होता विश्वं परि भूत्वध्वरं तमु हव्यैर्मनुष ऋञ्जते गिरा ।
- 2.002.05c हिरिशिप्रो वृधसानासु जर्भुरद्वयौर्न स्तृभिश्चितयद्रोदसी अनु ॥
- 2.002.06a स नो रेवत्समिधानः स्वस्तये संददस्वान्त्रयिमस्मासु दीदिहि ।
- 2.002.06c आ नः कृणुष्व सुविताय रोदसी अग्ने हव्या मनुषो देव वीतये ॥
- 2.002.07a दा नो अग्ने बृहतो दाः सहस्त्रिणो दुरो न वाजं श्रुत्या अपा वृधि ।
- 2.002.07c प्राची द्यावापृथिवी ब्रह्मणा कृधि स्वर्णं शुक्रमुषसो वि दिद्युतः ॥
- 2.002.08a स इधान उषसो राम्या अनु स्वर्णं दीदेदरुषेण भानुना ।
- 2.002.08c होत्राभिरग्निर्मनुषः स्वध्वरो राजा विशामतिथिश्चारुरायवे ॥
- 2.002.09a एवा नो अग्ने अमृतेषु पूर्व्यं धीष्पीपाय बृहद्वेषु मानुषा ।
- 2.002.09c दुहाना धेनुर्वृजनेषु कारवे त्मना शतिनं पुरुरूपमिषणि ॥
- 2.002.10a वयमग्ने अर्वता वा सुवीर्यं ब्रह्मणा वा चितयेमा जनां अति ।

- 2.002.10c अस्माकं॑ द्यु॒म्नम॑धि॒ पञ्च॑ कृ॒ष्टिषू॑च्चा॒ स्व॒र्णं॑ शु॒शु॒चीत॑ दु॒ष्टर॑म् ॥
- 2.002.11a स॒ नो॑ बो॒धि॒ सह॑स्य प्र॒शंस्यो॑ यस्मिन्सुजा॒ता इ॒षय॑न्त॒ सूर्यः॑ ।
- 2.002.11c यम॑ग्ने॒ यज्ञ॑मुपयन्ति॒ वाजिनो॑ नित्ये॒ तोके॑ दी॒दिवांसं॑ स्वे॒ दमे॑ ॥
- 2.002.12a उ॒भया॑सो जा॒तवे॑दः स्याम॒ ते स्तो॑तारो॒ अग्ने॑ सूर्यश्च॒ शर्म॑णि ।
- 2.002.12c व॒स्वो॑ रा॒यः पु॒रुश्च॑न्द्रस्य॒ भूय॑सः प्रजा॒वतः॑ स्व॒पत्य॑स्य॒ शग्धि॑ नः ॥
- 2.002.13a ये स्तो॑तृ॒भ्यो गो॑अ॒ग्राम॑श्चपेशसम॒ग्ने रा॒तिमु॑पसृजन्ति॒ सूर्यः॑ ।
- 2.002.13c अस्मा॑ञ्च ताँश्च॒ प्र हि॑ नेषि॒ वस्य॑ आ॒ बृह॑द्वदेम॒ विदथे॑ सु॒वीराः॑ ॥
- 2.003.01a स॒मिद्धो॑ अ॒ग्निर्नि॑हितः पृथि॒व्यां प्र॑त्यङ्घ्रि॒वश्वानि॑ भुव॒नान्य॑स्थात् ।
- 2.003.01c हो॒ता पा॑वकः प्र॒दिवः॑ सु॒मेधा॑ दे॒वो दे॒वान्य॑जत्व॒ग्निर॑र्हन् ॥
- 2.003.02a न॒राशंसः॑ प्र॒ति धा॑मान्यञ्जन्ति॒स्रो दि॒वः प्र॒ति म॒हा स्व॑र्चिः ।
- 2.003.02c घृ॒तप्रु॑षा॒ मन॑सा॒ हव्य॑मु॒न्दन्मूर्ध॑न्यज्ञस्य॒ सम॑नक्तु॒ देवान्॑ ॥
- 2.003.03a ई॒ळितो॑ अ॒ग्ने॒ मन॑सा॒ नो अ॒र्हन्दे॑वान्य॒क्षि मा॑नु॒षात्पूर्वो॑ अ॒द्य ।
- 2.003.03c स॒ आ व॑ह॒ मरु॑तां॒ शर्धो॑ अ॒च्युत॑मिन्द्रं॒ नरो॑ ब॒र्हिष॑दं॒ यज॑ध्वम् ॥
- 2.003.04a दे॒व ब॑र्हिर्व॒र्धमा॑नं सु॒वीरं॑ स्ती॒र्णं रा॒ये सु॒भरं॑ वेद्यस्याम् ।
- 2.003.04c घृ॒तेना॑क्तं॒ वस॑वः॒ सीद॑तेदं॒ विश्वे॑ दे॒वा आ॑दि॒त्या य॒ज्ञिया॑सः ॥
- 2.003.05a वि श्र॑यन्तामु॒र्विया॑ हू॒यमा॑ना॒ द्वारो॑ दे॒वीः सु॒प्राय॑णा॒ नमो॑भिः ।
- 2.003.05c व्य॑च॒स्वती॑र्वि॒ प्रथ॑न्ताम॒जुर्या॑ व॒र्णं पु॒ना॒ना य॒शसं॑ सु॒वीर॑म् ॥

- 2.003.06a साध्वपांसि सनता न उदिते उषासानक्ता वय्येव रणिवते ।
- 2.003.06c तन्तुं ततं संवयन्ती समीची यज्ञस्य पेशः सुदुधे पयस्वती ॥
- 2.003.07a दैव्या होतारा प्रथमा विदुष्टर ऋजु यक्षतः समृचा वपुष्टरा ।
- 2.003.07c देवान्यजन्तावृतुथा समञ्जतो नाभा पृथिव्या अधि सानुषु त्रिषु ॥
- 2.003.08a सरस्वती साधयन्ती धियं न इळा देवी भारती विश्वतूर्तिः ।
- 2.003.08c तिस्रो देवीः स्वधया बहिरैदमच्छिद्रं पान्तु शरणं निषद्य ॥
- 2.003.09a पिशङ्गरूपः सुभरो वयोधाः श्रुष्टी वीरो जायते देवकामः ।
- 2.003.09c प्रजां त्वष्टा वि ष्यतु नाभिमस्मे अथा देवानामप्येतु पाथः ॥
- 2.003.10a वनस्पतिरवसृजन्नृप स्थादग्निर्हविः सूदयाति प्र धीभिः ।
- 2.003.10c त्रिधा समक्तं नयतु प्रजानन्देवेभ्यो दैव्यः शमितोप हव्यम् ॥
- 2.003.11a घृतं मिमिक्षे घृतमस्य योनिर्घृति श्रितो घृतम्बस्य धाम ।
- 2.003.11c अनुष्वधमा वह मादयस्व स्वाहाकृतं वृषभ वक्षि हव्यम् ॥
- 2.004.01a हुवे वः सुद्योत्मानं सुवृक्तिं विशामग्निमतिथिं सुप्रयसम् ।
- 2.004.01c मित्र इव यो दिधिषाय्यो भूदेव आदेवे जने जातवेदाः ॥
- 2.004.02a इमं विधन्तो अपां सधस्थे द्वितादधुर्भृगवो विद्ववाश्योः ।
- 2.004.02c एष विश्वान्यभ्यस्तु भूमा देवानामग्निररतिर्जीराश्वः ॥
- 2.004.03a अग्निं देवासो मानुषीषु विदु प्रियं धुः क्षेप्यन्तो न मित्रम् ।

- 2.004.03c स दी॑दयदु॒शती॑रूम्या॒ आ द॒क्षा॑य्यो यो दा॒स्वते॑ द॒म आ ॥
- 2.004.04a अस्य॑ र॒गवा॑ स्व॒स्येव॑ पु॒ष्टिः संदृ॑ष्टिरस्य॒ हिया॑नस्य॒ दक्षोः॑ ।
- 2.004.04c वि यो॑ भरि॒भ्रदो॑षधीषु॒ जिह्वा॑मत्यो न रथ्यो॑ दोधवीति॒ वारा॑न् ॥
- 2.004.05a आ य॒न्मे अ॒भ्वं व॒नदः॑ प॒नन्तो॑शिग॒भ्यो ना॑मिमीत॒ वर्ण॑म् ।
- 2.004.05c स चि॒त्रेण॑ चि॒किते॑ रंसु॒ भासा॑ जु॒जुर्वा॑ यो मु॒हुरा॑ यु॒वा भू॑त् ॥
- 2.004.06a आ यो व॒ना ता॑तृषा॒णो न भा॑ति वा॒र्ण प॒था रथ्ये॑व स्वा॒नीत् ।
- 2.004.06c कृ॒ष्णाध्वा॑ त॒पू र॒गव॑श्चि॒केत॑ द्यौरि॒व स्म॑य॒मानो॑ नभो॒भिः ॥
- 2.004.07a स यो॑ व्य॒स्था॑दभि॒ दक्ष॑दु॒र्वी प॒शुर्नै॑ति॒ स्वयु॑रगो॒पाः ।
- 2.004.07c अ॒ग्निः शो॒चिष्माँ॑ अ॒तसा॑न्यु॒ष्णान्कृ॒ष्णव्य॑थिर॒स्वद॑यन्न॒ भूम ॥
- 2.004.08a नू ते॑ पू॒र्वस्या॑वसो॒ अधी॑तौ॒ तृती॑ये वि॒दथे॑ म॒न्म शंसि॑ ।
- 2.004.08c अ॒स्मे अ॒ग्ने सं॑य॒द्वीरं॑ बृ॒हन्तं॑ क्षु॒मन्तं॑ वा॒जं स्व॑प॒त्यं रयि॑ दाः ॥
- 2.004.09a त्वया॑ यथा॒ गृत्स॑मदासो॒ अग्ने॑ गु॒हा व॒न्वन्त॑ उप॒राँ अ॒भि ष्युः॑ ।
- 2.004.09c सु॒वीरा॑सो अ॒भिमा॑तिषा॒हः स्मत्सू॑रि॒भ्यो गृ॑ण॒ते तद्व॑यो॒ धाः ॥
- 2.005.01a हो॒ताज॑निष्ट॒ चेत॑नः॒ पिता॑ पि॒तृभ्य॑ उ॒तये॑ ।
- 2.005.01c प्र॒यक्ष॑ञ्जे॒न्यं व॑सु॒ शके॑म॒ वाजिनो॑ य॒मम् ॥
- 2.005.02a आ य॒स्मिन्स॑प्त॒ रश्म॑यस्त॒ता य॒ज्ञस्य॑ ने॒तरि॑ ।
- 2.005.02c म॒नुष्व॑द्द्वै॒व्यम॑ष्ट॒मं पो॒ता वि॒श्वं तदि॑न्वति ॥

- 2.005.03a दधन्वे वा यदीमनु वोचद्वह्माणि वेरु तत् ।
- 2.005.03c परि विश्वानि काव्या नेमिश्चक्रमिवाभवत् ॥
- 2.005.04a साकं हि शुचिना शुचिः प्रशास्ता क्रतुनाजनि ।
- 2.005.04c विद्वाँ अस्य व्रता ध्रुवा वया इवानु रोहते ॥
- 2.005.05a ता अस्य वर्णमायुवो नेष्टुः सचन्त धेनवः ।
- 2.005.05c कुवित्सृभ्य आ वरं स्वसारो या इदं ययुः ॥
- 2.005.06a यदी मातुरुप स्वसा घृतं भरन्त्यस्थित ।
- 2.005.06c तासामध्वर्युरागतौ यवो वृष्टीव मोदते ॥
- 2.005.07a स्वः स्वाय धायसे कृणुतामृत्विगृत्विजम् ।
- 2.005.07c स्तोमं यज्ञं चादरं वनेमा ररिमा वयम् ॥
- 2.005.08a यथा विद्वाँ अरं करद्विश्चेभ्यो यजतेभ्यः ।
- 2.005.08c अयमग्ने त्वे अपि यं यज्ञं चकृमा वयम् ॥
- 2.006.01a इमां मे अग्ने समिधमिमामुपसदं वनेः ।
- 2.006.01c इमा उ षु श्रुधी गिरः ॥
- 2.006.02a अया ते अग्ने विधेमोर्जो नपादश्वमिष्टे ।
- 2.006.02c एना सूक्तेन सुजात ॥
- 2.006.03a तं त्वा गीर्भिर्गिर्वणसं द्रविणस्युं द्रविणोदः ।

- 2.006.03c स॒पर्ये॑म॒ स॒पर्य॑वः ॥
- 2.006.04a स॒ बो॑धि॒ सू॒रि॒र्म॒घ॒वा॒ व॒सु॒प॒ते॒ व॒सु॒दा॒व॒न् ।
- 2.006.04c यु॒यो॒र्ध्व॑श्स्मद्द्वेषा॑सि ॥
- 2.006.05a स॒ नो॑ वृ॒ष्टिं॑ दि॒व॒स्परि॑ स॒ नो॑ वा॒ज॒म॒न॒र्वा॒ण॑म् ।
- 2.006.05c स॒ नः॑ स॒ह॒स्रि॒णी॒रि॒षः॑ ॥
- 2.006.06a ई॒ळा॒ना॒या॒व॒स्य॑वे॒ यवि॑ष्ठ॒ दू॒त॒ नो॑ गि॒रा ।
- 2.006.06c य॒जि॑ष्ठ॒ हो॒तरा॑ ग॒हि ॥
- 2.006.07a अ॒न्त॒र्ह्य॑ग्ने॒ ई॒य॒से॒ वि॒द्वा॒ञ्ज॒न्मो॑भया॒ क॒वे ।
- 2.006.07c दू॒तो॒ ज॒न्ये॑व॒ मि॒त्र्यः॑ ॥
- 2.006.08a स॒ वि॒द्वाँ॑ आ॒ च॒ पि॒प्र॒यो॒ य॒क्षि॑ चि॒कित्त्व॑ आ॒नु॒षक् ।
- 2.006.08c आ॒ चा॒स्मि॒न्स॒त्सि॑ ब॒र्हि॑षि ॥
- 2.007.01a श्रे॒ष्ठं॑ यवि॑ष्ठ॒ भा॒र॒ता॒ग्ने॑ द्यु॒म॒न्त॒मा॒ भर॑ ।
- 2.007.01c व॒सो॑ पु॒रु॒स्पृ॒हं॑ र॒यि॒म् ॥
- 2.007.02a मा॒ नो॑ अ॒रा॒ति॒री॒श॒त॑ दे॒व॒स्य॑ म॒र्त्य॑स्य च ।
- 2.007.02c प॒र्षि॑ तस्या॒ उ॒त॒ द्वि॒षः॑ ॥
- 2.007.03a वि॒श्वा॑ उ॒त॒ त्व॒या॒ व॒यं॑ धा॒रा॒ उ॒द॒न्या॑ इ॒व ।
- 2.007.03c अ॒ति॑ गा॒हे॒म॒हि॑ द्वि॒षः॑ ॥

- 2.007.04a शुचिः पावक वन्द्योऽग्ने बृहद्वि रोचसे ।
- 2.007.04c त्वं घृतेभिराहुतः ॥
- 2.007.05a त्वं नो असि भारताग्ने वशाभिरुक्षभिः ।
- 2.007.05c अष्टापदीभिराहुतः ॥
- 2.007.06a द्रवन्नः सर्पिरासुतिः प्रत्नो होता वरेण्यः ।
- 2.007.06c सहसस्पुत्रो अद्भुतः ॥
-
- 2.008.01a वाजयन्निव नू रथान्योगाँ अग्नेरुप स्तुहि ।
- 2.008.01c यशस्तमस्य मीळ्हुषः ॥
- 2.008.02a यः सुनीथो ददाशुषेऽजुर्यो जरयन्नरिम् ।
- 2.008.02c चारुप्रतीक आहुतः ॥
- 2.008.03a य उ श्रिया दमेष्वा दोषोषसि प्रशस्यते ।
- 2.008.03c यस्य व्रतं न मीयते ॥
- 2.008.04a आ यः स्वर्णं भानुना चित्रो विभात्यर्चिषा ।
- 2.008.04c अञ्जानो अजरैरभि ॥
- 2.008.05a अत्रिमनु स्वराज्यमग्निमुक्थानि वावृधुः ।
- 2.008.05c विश्वा अधि श्रियो दधे ॥
- 2.008.06a अग्नेरिन्द्रस्य सोमस्य देवानामूतिभिर्वयम् ।

- 2.008.06c अरि॑ष्यन्तः स॒चेम॑ह्यभि॒ ष्याम॑ पृ॒तन्य॑तः ॥
- 2.009.01a नि॑ होता॒ होतृ॑षदने॒ विदा॑नस्त्वेषो॒ दीदि॑वाँ असदत्सुद॒त्तः ।
- 2.009.01c अ॒दब्ध॑व्रतप्रमतिर्वसि॒ष्ठः सह॑स्रम्भरः शुचि॑जिह्वो अग्निः ॥
- 2.009.02a त्वं॑ दू॒तस्त्वमु॑ नः पर॒स्पास्त्वं॑ वस्य॒ आ वृ॑षभ प्रणेता ।
- 2.009.02c अग्ने॑ तोकस्य॒ नस्तने॑ तनूनामप्रयुच्छन्दीद्यद्वोधि॑ गोपाः ॥
- 2.009.03a विधेम॑ ते परमे॒ जन्म॑न्नग्ने॒ विधेम॑ स्तोमैरवरे॒ सध॑स्थे ।
- 2.009.03c यस्माद्योने॑रुदारि॒था यजे॑ तं प्र त्वे ह॒वीषि॑ जुहु॒रे समि॑द्धे ॥
- 2.009.04a अग्ने॑ यजस्व ह॒विषा॑ यजीयाञ्छु॒ष्टी दे॒ष्णाम॑भि गृणीहि॒ राघः॑ ।
- 2.009.04c त्वं॑ ह्यसि॒ रथि॑पती॒ रयी॑णां त्वं शुक्रस्य॒ वच॑सो मनोता ॥
- 2.009.05a उभयं॑ ते न क्षीयते॒ वस॑व्यं दि॒वेदि॑वे जायमानस्य॒ दस्म॑ ।
- 2.009.05c कृधि॑ क्षुमन्तं॒ जरि॑तारमग्ने॒ कृधि॑ पतिं॒ स्वप॑त्यस्य॒ रायः॑ ॥
- 2.009.06a सैना॑नीकेन सुविदत्रो॒ अस्मे॑ यष्टा॒ देवाँ॑ आयजिष्ठः स्वस्ति ।
- 2.009.06c अ॒दब्धो॑ गोपा॒ उत॑ नः पर॒स्पा अग्ने॑ द्युमदु॒त रेव॑दिदीहि ॥
- 2.010.01a जोहू॑त्रो अग्निः॒ प्रथ॑मः पि॒तेवे॑ळस्पदे॒ मनु॑षा यत्समिद्धः ।
- 2.010.01c श्रियं॑ वसानो॒ अमृ॑तो विचे॒ता म॑र्मृजेन्यः॒ श्रव॑स्यश्ः स वा॒जी ॥
- 2.010.02a श्रूया॑ अग्निश्चित्र॒भानु॑र्हवं॒ मे वि॒श्वाभि॑र्गीर्भिरमृ॒तो वि॑चेताः ।

- 2.010.02c श्या॒वा रथं॑ व॒हतो॑ रोहि॒ता वो॒तारु॒षाह॑ च॒क्रे वि॒भृत्रः॑ ॥
- 2.010.03a उ॒त्ताना॑याम॒जन॒यन्सु॑षू॒तं भुव॑दग्निः॒ पुरु॑पेशासु॒ गर्भः॑ ।
- 2.010.03c शि॒रिणा॑यां चि॒दक्तु॑ना॒ महो॑भिरपरीवृ॒तो वस॑ति प्रचे॒ताः ॥
- 2.010.04a जिघ॑र्म्यग्निं॒ हवि॑षा॒ घृते॑न॒ प्रति॑क्षि॒यन्तं॑ भुव॒नानि॑ वि॒श्वा ।
- 2.010.04c पृथुं॑ ति॒रश्वा॑ व॒यसा॑ बृ॒हन्तं॑ व्यचि॒ष्ठम॒न्नै रभ॑सं॒ दृशा॑नम् ॥
- 2.010.05a आ वि॒श्वतः॑ प्र॒त्यञ्चं॑ जिघ॑र्म्यर॒क्षसा॑ मन॒सा तज्जु॑षेत ।
- 2.010.05c मर्य॑श्री॒ स्पृह॑यद्वर्णो॒ अग्नि॑र्नाभि॒मृशे॑ तन्वा॒ जर्भुरा॑णः ॥
- 2.010.06a ज्ञेया॑ भा॒गं स॒हसा॑नो॒ वरे॑ण॒ त्वादू॑तासो॒ मनु॑वद्वदे॒म ।
- 2.010.06c अ॒नून॑मग्निं॒ जुह्वा॑ व॒चस्या॑ म॒धुपृ॑चं॒ धन॑सा॒ जोह॑वीमि ॥
- 2.011.01a श्रु॒धी ह॒वमि॑न्द्र॒ मा रि॑षण्यः॒ स्याम॑ ते दा॒वने॑ वसू॒नाम् ।
- 2.011.01c इ॒मा हि॑ त्वा॒मूर्जो॑ वर्धयन्ति॒ वसू॑यवः॒ सिन्ध॑वो॒ न क्ष॑रन्तः ॥
- 2.011.02a सृ॒जो म॒हीरि॑न्द्र॒ या अपि॑न्वः॒ परि॑ष्ठिता॒ अहि॑ना॒ शूर॑ पूर्वीः ।
- 2.011.02c अ॒मर्त्यं॑ चि॒दासं॑ म॒न्यमा॑नमवा॒भिन॑दु॒क्थैर्वा॑वृ॒धानः॑ ॥
- 2.011.03a उ॒क्थे॑ष्वि॒न्नु शूर॑ येषु॒ चाक॑न्स्तो॒मेष्वि॑न्द्र॒ रुद्रि॑येषु च ।
- 2.011.03c तु॒भ्येदे॑ता॒ यासु॑ म॒न्दसा॑नः॒ प्र वा॑यवे॒ सिस्त्र॑ते॒ न शु॒भ्राः ॥
- 2.011.04a शु॒भ्रं नु॑ ते॒ शुष्मं॑ वर्धयन्तः॒ शुभ्रं॑ वज्रं॒ बाहो॑र्द॒धानाः॑ ।
- 2.011.04c शु॒भ्रस्त्वमि॑न्द्र॒ वावृ॑धानो॒ अस्मे॑ दा॒सीर्वि॑शः॒ सूर्ये॑ण स॒ह्याः ॥

- 2.011.05a गुहा॑ हितं॑ गुह्यं॑ गूळ॑हमप्स्वपीवृतं॑ मायिनं॑ क्षियन्तम् ।
- 2.011.05c उतो॑ अपो॑ द्यां॑ तस्त॑भ्वांसमह॑न्नहिं॑ शूर॑ वीर्येण॑ ॥
- 2.011.06a स्तवा॑ नु त॑ इन्द्र॑ पू॒र्व्या॑ महान्यु॒त स्तवाम॑ नू॒तना॑ कृतानि॑ ।
- 2.011.06c स्तवा॑ वज्रं॑ बा॒होरु॑शन्तं॑ स्तवा॑ हरी॑ सूर्य॑स्य केतू॑ ॥
- 2.011.07a हरी॑ नु त॑ इन्द्र॑ वा॒जय॑न्ता घृ॒तश्चु॑तं॑ स्वार॑मस्वार्थाम् ।
- 2.011.07c वि॑ सम॒ना भूमि॑रप्रथि॒ष्टारं॑स्त॒ पर्व॑तश्चित्सरिष्यन् ॥
- 2.011.08a नि॑ पर्व॑तः साद्य॑प्रयुच्छन्सं॑ मातृ॑भिर्वावशानो॑ अक्रान् ।
- 2.011.08c दूरे॑ पारे॑ वाणी॑ वर्ध॑यन्त इन्द्रे॑षितां॑ धमनिं॑ पप्रथन्नि ॥
- 2.011.09a इन्द्रो॑ महं॑ सिन्धु॑माशयानं॑ माया॑विनं॑ वृत्र॑मस्फुरन्निः ।
- 2.011.09c अ॒रेजे॑तां॒ रोद॑सी॒ भिया॑ने॒ कनि॑क्रदतो॒ वृष्णो॑ अस्य॒ वज्रा॑त् ॥
- 2.011.10a अ॒रोर॑वी॒दृष्णो॑ अस्य॒ वज्रो॑ऽमा॒नुषं॑ यन्मा॒नुषो॑ नि॒जूर्वा॑त् ।
- 2.011.10c नि॑ मा॒यिनो॑ दा॒नव॑स्य॒ माया॑ अ॒पाद॑यत्प॒पिवा॑न्सु॒तस्य॑ ॥
- 2.011.11a पि॒बापि॑बेदिन्द्र॒ शूर॑ सोमं॒ मन्द॑न्तु॒ त्वा म॑न्दि॒नः सु॑तासः ।
- 2.011.11c पृ॒णन्त॑स्ते कु॒क्षी वर्ध॑यन्ति॒वत्था सु॑तः॒ पौर॑ इन्द्र॒माव॑ ॥
- 2.011.12a त्वे॑ इन्द्रा॒प्यभूम॑ वि॒प्रा धि॑यं॒ वने॑म ऋ॒तया॑ स॒पन्तः॑ ।
- 2.011.12c अ॒वस्य॑वो॒ धीम॑हि॒ प्रश॑स्तिं॒ सद्य॑स्ते॒ रायो॑ दा॒वने॑ स्याम ॥
- 2.011.13a स्याम॑ ते त॑ इन्द्र॒ ये त॑ ऊ॒ती अ॒वस्य॑व ऊ॒र्ज वर्ध॑यन्तः ।
- 2.011.13c शु॒ष्मिन्त॑मं॒ यं चा॒कना॑म॒ देवा॑स्मे॒ रयिं॑ रा॒सि वी॑रवन्तम् ॥

- 2.011.14a रा॒सि॒ क्ष॒यं॑ रा॒सि॒ मि॒त्र॒म॒स्मे॒ रा॒सि॒ श॒र्ध॑ इ॒न्द्र॒ मा॒रु॒तं॑ नः ।
- 2.011.14c स॒जोष॑सो॒ ये च॑ म॒न्द॒सा॒नाः॒ प्र वा॒यवः॑ पा॒न्त्य॒ग्र॒णी॒तिम् ॥
- 2.011.15a व्य॒न्त्वि॒न्नु॒ येषु॑ म॒न्द॒सा॒नस्तृ॒पत्सो॑मं पा॒हि॒ द्र॒ह्यदि॑न्द्र ।
- 2.011.15c अ॒स्मा॒न्सु॒ पृ॒त्स्वा॒ तरु॑त्रा॒वर्ध॑यो॒ द्यां बृ॒हद्भि॑र॒कैः ॥
- 2.011.16a बृ॒हन्त॑ इ॒न्नु॒ ये ते॑ तरु॒त्रोक्थे॑भिर्वा॒ सु॒म्र॒मा॒वि॒वासा॑न् ।
- 2.011.16c स्तृ॒णा॒नासो॑ ब॒र्हिः॒ प॒स्त्या॒वत्त्वो॑ता इ॒दिन्द्र॑ वा॒जम॑ग्मन् ॥
- 2.011.17a उ॒ग्रेष्वि॑न्नु॒ शूर॑ म॒न्द॒सा॒नस्त्रि॒क॒द्रु॒केषु॑ पा॒हि॒ सोम॑मिन्द्र ।
- 2.011.17c प्र॒दो॒धुव॑च्छ॒मश्रु॑षु॒ प्री॒णा॒नो या॒हि॒ हरि॑भ्यां॒ सु॒तस्य॑ पी॒तिम् ॥
- 2.011.18a धि॒ष्वा श॒वः॒ शूर॑ ये॒न वृ॒त्र॒मवा॑भि॒न॒द्दानु॑मौर्णा॒वाभ॑म् ।
- 2.011.18c अ॒पा॒वृ॒णो॒ज्योति॑रा॒र्याय॑ नि स॒व्यतः॑ सा॒दि॒ दस्यु॑रिन्द्र ॥
- 2.011.19a स॒ने॒म॒ ये त॑ ऊ॒ति॒भि॒स्तर॑न्तो॒ विश्वा॑ स्पृ॒ध आ॒र्ये॑ण॒ दस्यू॑न् ।
- 2.011.19c अ॒स्मभ्यं॑ तत्त्वाष्ट्रं॒ विश्व॑रूप॒मर॑न्धयः॒ साख्य॑स्य॒ त्रि॒ताय॑ ॥
- 2.011.20a अ॒स्य सु॒वा॒नस्य॑ म॒न्दि॒नस्त्रि॑तस्य॒ न्यर्बु॑दं वा॒वृ॒धा॒नो अ॑स्तः ।
- 2.011.20c अ॒वर्त॑यत्सूर्यो॒ न च॑क्रं॒ भि॒न॒द्वल॑मिन्द्रो॒ अङ्गि॑रस्वान् ॥
- 2.011.21a नूनं॑ सा॒ ते प्र॑ति॒ वरं॑ ज॒रि॒त्रे दु॒ही॒यदि॑न्द्र॒ दक्षि॑णा॒ मघो॑नी ।
- 2.011.21c शि॒क्षा॒ स्तो॒तृभ्यो॑ मा॒ति॒ धग्भ॑गो॒ नो बृ॒हद्व॑दे॒म वि॒दथे॑ सु॒वी॒राः ॥
- 2.012.01a यो जा॒त ए॒व प्र॑थ॒मो म॑न॒स्वान्दे॒वो दे॒वान्क्र॑तु॒ना पर्य॑भूषत् ।

- 2.012.01c यस्य शुष्माद्रोदसी अभ्यसेतां नृम्णस्य महा स जनास इन्द्रः ॥
- 2.012.02a यः पृथिवीं व्यथमानामदृंहद्यः पर्वतान्प्रकुपिताँ अरम्णात् ।
- 2.012.02c यो अन्तरिक्षं विममे वरीयो यो द्यामस्तभ्रात्स जनास इन्द्रः ॥
- 2.012.03a यो हत्वाहिमरिणात्सप्त सिन्धून्यो गा उदाजदपधा वलस्य ।
- 2.012.03c यो अश्मनोरन्तरग्निं जजान संवृक्समत्सु स जनास इन्द्रः ॥
- 2.012.04a येनेमा विश्वा च्यवना कृतानि यो दासं वर्णमधरं गुहाकः ।
- 2.012.04c श्वघ्नीव यो जिगीवाँल्लक्षमाददर्यः पुष्टानि स जनास इन्द्रः ॥
- 2.012.05a यं स्मा पृच्छन्ति कुह सेति घोरमुतेमाहुर्नैषो अस्तीत्येनम् ।
- 2.012.05c सो अर्यः पुष्टीर्विज इवा मिनाति श्रदस्मै धत्त स जनास इन्द्रः ॥
- 2.012.06a यो रध्नस्य चोदिता यः कृशस्य यो ब्रह्मणो नाधमानस्य कीरेः ।
- 2.012.06c युक्तग्राव्णो योऽविता सुशिप्रः सुतसोमस्य स जनास इन्द्रः ॥
- 2.012.07a यस्याश्वासः प्रदिशि यस्य गावो यस्य ग्रामा यस्य विश्वे रथासः ।
- 2.012.07c यः सूर्यं य उषसं जजान यो अपां नेता स जनास इन्द्रः ॥
- 2.012.08a यं क्रन्दसी संयती विह्वयेते परेऽवर उभया अमित्राः ।
- 2.012.08c समानं चिद्रथमातस्थिवांसा नाना ह्वेते स जनास इन्द्रः ॥
- 2.012.09a यस्मान्न ऋते विजयन्ते जनासो यं युध्यमाना अवसे हवन्ते ।
- 2.012.09c यो विश्वस्य प्रतिमानं बभूव यो अच्युतच्युत्स जनास इन्द्रः ॥
- 2.012.10a यः शश्वतो मह्येनो दधानानमन्यमानाञ्छर्वा जघान ।

2.012.10c यः शर्धते नानुददाति शृध्यां यो दस्योर्हन्ता स जनास इन्द्रः ॥

2.012.11a यः शम्बरं पर्वतेषु क्षियन्तं चत्वारिंश्यां शरद्यन्वविन्दत् ।

2.012.11c ओजायमानं यो अहिं जघान दानुं शयानं स जनास इन्द्रः ॥

2.012.12a यः सप्तरश्मिवृषभस्तुविष्मानवासृजत्सतवे सप्त सिन्धून् ।

2.012.12c यो रौहिणमस्फुरद्वज्रबाहुर्धामारोहन्तं स जनास इन्द्रः ॥

2.012.13a द्यावा चिदस्मै पृथिवी नमेते शुष्माच्चिदस्य पर्वता भयन्ते ।

2.012.13c यः सोमपा निचितो वज्रबाहुर्यो वज्रहस्तः स जनास इन्द्रः ॥

2.012.14a यः सुन्वन्तमवति यः पचन्तं यः शंसन्तं यः शशमानमूती ।

2.012.14c यस्य ब्रह्म वर्धनं यस्य सोमो यस्येदं राधः स जनास इन्द्रः ॥

2.012.15a यः सुन्वते पचते दुध्र आ चिद्वाजं दर्दधि स किलासि सत्यः ।

2.012.15c वयं त इन्द्र विश्वह प्रियासः सुवीरासो विदथमा वदेम ॥

2.013.01a ऋतुर्जनित्री तस्या अपस्परि मद्भू जात आविशद्यासु वर्धते ।

2.013.01c तदाहना अभवत्पिप्युषी पयोऽशोः पीयूषं प्रथमं तदुक्थ्यम् ॥

2.013.02a सध्रीमा यन्ति परि बिभ्रतीः पयो विश्वप्सन्याय प्र भरन्त भोजनम् ।

2.013.02c समानो अध्वा प्रवतामनुष्यदे यस्ताकृणोः प्रथमं सास्युक्थ्यः ॥

2.013.03a अन्वेको वदति यद्ददाति तद्रूपा मिनन्तदपा एक ईयते ।

2.013.03c विश्वा एकस्य विनुदस्तितिक्षते यस्ताकृणोः प्रथमं सास्युक्थ्यः ॥

- 2.013.04a प्रजाभ्यः पुष्टिं विभजन्त आसते रयिमिव पृष्ठं प्रभवन्तमायते ।
- 2.013.04c असिन्वन्दष्टैः पितुरत्ति भोजनं यस्ताकृणोः प्रथमं सास्युक्थ्यः ॥
- 2.013.05a अधाकृणोः पृथिवीं संदृशे दिवे यो धौतीनामहिहन्नारिणक्पथः ।
- 2.013.05c तं त्वा स्तोमेभिरुदभिर्न वाजिनं देवं देवा अजनन्सास्युक्थ्यः ॥
- 2.013.06a यो भोजनं च दयसे च वर्धनमार्द्रादा शुष्कं मधुमद्दोहिथ ।
- 2.013.06c स शेवधिं नि दधिषे विवस्वति विश्वस्यैक ईशिषे सास्युक्थ्यः ॥
- 2.013.07a यः पुष्पिणीश्च प्रस्वश्च धर्मणाधि दाने व्यश्वनीरधारयः ।
- 2.013.07c यश्चासमा अजनो दिद्युतो दिव उरुरूर्वी अभितः सास्युक्थ्यः ॥
- 2.013.08a यो नार्मरं सहवसुं निहन्तवे पृक्षाय च दासवेशाय चावहः ।
- 2.013.08c ऊर्जयन्त्या अपरिविष्टमास्यमुतैवाद्य पुरुकृत्सास्युक्थ्यः ॥
- 2.013.09a शतं वा यस्य दश साकमाद्य एकस्य श्रुष्टौ यद्ध चोदमाविथ ।
- 2.013.09c अरज्जौ दस्यूनसमुनब्दभीतये सुप्राव्यो अभवः सास्युक्थ्यः ॥
- 2.013.10a विश्वेदनु रोधना अस्य पौंस्यं ददुरस्मै दधिरे कृत्ववे धनम् ।
- 2.013.10c षळस्तभ्ना विष्टिरः पञ्च संदृशः परि परो अभवः सास्युक्थ्यः ॥
- 2.013.11a सुप्रवाचनं तव वीर वीर्यं यदेकेन क्रतुना विन्दसे वसु ।
- 2.013.11c जातूष्टिरस्य प्र वयः सहस्वतो या चकर्थ सेन्द्र विश्वास्युक्थ्यः ॥
- 2.013.12a अरमयः सरपसस्तराय कं तुर्वीतये च वय्याय च स्रुतिम् ।
- 2.013.12c नीचा सन्तमुदनयः परावृजं प्रान्धं श्रोणं श्रवयन्सास्युक्थ्यः ॥

2.013.13a अ॒स्मभ्यं॑ तद्व॒सो द॑ानाय॒ राधः॑ स॒मर्थ॑यस्व॒ बहु॑ ते॒ वस॑व्यम् ।

2.013.13c इन्द्र॑ यच्चि॒त्रं श्र॑वस्या॒ अनु॑ द्यू॒न्बृ॒हद्वे॑म॒ विद॑थे॒ सुवी॑राः ॥

2.014.01a अ॒ध्व॒र्यवो॑ भ॒रते॑न्द्राय॒ सोम॑माम॒त्रेभिः॑ सिञ्च॒ता म॑द्यम॒न्धः ।

2.014.01c का॒मी हि॑ वी॒रः स॑द॒मस्य॑ पी॒तिं जु॒होत॑ वृ॒ष्णे तदि॑देष॒ वष्टि॑ ॥

2.014.02a अ॒ध्व॒र्यवो॑ यो अ॒पो व॑त्रि॒वांसं॑ वृ॒त्रं ज॑घाना॒शन्ये॑व॒ वृ॒क्षम् ।

2.014.02c तस्मा॑ ए॒तं भ॑रत॒ तद्व॑शा॒यँ ए॒ष इन्द्रो॑ अ॒र्हति॑ पी॒तिम॑स्य ॥

2.014.03a अ॒ध्व॒र्यवो॑ यो दृ॒भीकं॑ ज॒घान॑ यो गा॒ उदा॑ज॒दप॒ हि व॒लं वः॑ ।

2.014.03c तस्मा॑ ए॒तम॑न्त॒रि॒क्षे न॑ वा॒तमिन्द्रं॑ सो॒मैरो॑र्णु॒त जूर्न॑ वस्त्रैः ॥

2.014.04a अ॒ध्व॒र्यवो॑ य उ॒रणं॑ ज॒घान॑ न॒व च॑ख्वा॒सं न॒वतिं॑ च॒ बा॒हून् ।

2.014.04c यो अ॒र्बु॒दम॑व॒ नी॒चा ब॑बा॒धे त॑मिन्द्रं॒ सोम॑स्य॒ भृ॒थे हि॑नोत ॥

2.014.05a अ॒ध्व॒र्यवो॑ यः स्व॒श्रं ज॑घान॒ यः शु॒ष्णाम॑शु॒षं यो व्यंस॑म् ।

2.014.05c यः पि॒पुं न॑मु॒चिं यो॑ रु॒धिक्रां॑ तस्मा॒ इन्द्रा॑यान्ध॒सो जु॒होत॑ ॥

2.014.06a अ॒ध्व॒र्यवो॑ यः श॒तं श॑म्ब॒रस्य॑ पु॒रो बि॒भेदा॑श्म॒नेव॑ पूर्वीः ।

2.014.06c यो व॒र्चिनः॑ श॒तमिन्द्रः॑ स॒हस्र॑मपा॒वप॑द्भ॒रता॑ सोम॒मस्मै॑ ॥

2.014.07a अ॒ध्व॒र्यवो॑ यः श॒तमा॑ स॒हस्रं॑ भू॒म्या उप॑स्थेऽव॒पज्ज॑घन्वान् ।

2.014.07c कु॒त्सस्या॑यो॒रति॑थि॒ग्वस्य॑ वी॒रान्न्या॑वृ॒णाग्भ॑रता॒ सोम॑मस्मै ॥

2.014.08a अ॒ध्व॒र्यवो॑ यन्न॒रः का॒मया॑ध्वे॒ श्रु॒ष्टी व॑हन्तो॒ नश॑था॒ तदि॑न्द्रे ।

- 2.014.08c ग॒भ॒स्ति॒पू॒तं॑ भ॒रत॑ श्रु॒ताये॑न्द्राय॒ सोमं॑ य॒ज्यवो॑ जु॒होत॑ ॥
- 2.014.09a अ॒ध्व॒र्य॒वः॑ क॒र्त॒ना श्रु॒ष्टि॒म॒स्मै॑ व॒ने नि॒पू॒तं व॒न उ॒न्नय॑ध्वम् ।
- 2.014.09c जु॒षा॒णो ह॒स्त्य॑म॒भि वा॒वशे॑ व॒ इन्द्राय॑ सोमं॑ म॒दिरं॑ जु॒होत॑ ॥
- 2.014.10a अ॒ध्व॒र्य॒वः॑ प॒यसो॑ध॒र्यथा॑ गोः॒ सोमे॑भि॒रीं पृ॒णता॑ भो॒जमि॑न्द्रम् ।
- 2.014.10c वे॒दा॒ह॒म॒स्य॑ नि॒भृ॒तं म॒ ए॒तद्दि॑त्सन्तं॒ भूयो॑ य॒जत॑श्चि॒केत॑ ॥
- 2.014.11a अ॒ध्व॒र्य॒वो यो॑ दि॒व्य॒स्य॒ व॒स्वो यः॑ पा॒र्थि॒व॒स्य॒ क्ष॒म्य॒स्य॒ राजा॑ ।
- 2.014.11c त॒मू॒र्द॒रं न॑ पृ॒णता॑ य॒वेने॑न्द्रं॒ सोमे॑भि॒स्तद॑पो॒ वो अ॒स्तु ॥
- 2.014.12a अ॒स्मभ्यं॑ तद्व॒सो दा॒नाय॑ रा॒धः स॒म॒र्थ॒य॒स्व बहु॑ ते॒ वस॑व्यम् ।
- 2.014.12c इन्द्र॑ यच्चि॒त्रं श्र॑व॒स्या अ॒नु द्यू॑न्बृ॒हद्व॑दे॒म वि॒दथे॑ सु॒वीराः॑ ॥

- 2.015.01a प्र॒ घा न्व॑स्य॒ मह॒तो॒ महानि॑ स॒त्या स॒त्य॒स्य॒ कर॑णानि॒ वोच॑म् ।
- 2.015.01c त्रि॒क॒द्रु॒केष्व॑पि॒बत्सु॑त॒स्यास्य॑ म॒दे अ॒हि॒मि॒न्द्रो ज॑घान ॥
- 2.015.02a अ॒वंशे॑ द्या॒मस्त॑भायद्वृ॒हन्त॑मा॒ रोद॑सी॒ अपृ॑णदन्त॒रि॒क्षम् ।
- 2.015.02c स॒ धार॑यत्पृ॒थि॒वीं प॒प्रथ॑च्च॒ सोम॑स्य॒ ता म॒द इन्द्र॑श्चकार ॥
- 2.015.03a स॒द्मे॒व प्रा॒चो वि॑ मि॒माय॑ मानै॒र्वज्रे॑ण॒ खान्य॑तृ॒णान्ना॑दीनाम् ।
- 2.015.03c वृ॒थासृ॑जत्प॒थि॒भिर्दी॑र्घयाथैः॒ सोम॑स्य॒ ता म॒द इन्द्र॑श्चकार ॥
- 2.015.04a स॒ प्र॒वो॒ळ्हु॑न्परि॒गत्या॑ द॒भीते॑र्वि॒श्वम॑धागा॒युध॑मि॒द्धे अ॒ग्नौ ।
- 2.015.04c सं॒ गो॒भि॒रश्वै॑रसृ॒जद्र॑थे॒भिः सोम॑स्य॒ ता म॒द इन्द्र॑श्चकार ॥

- 2.015.05a स ई॑ म॒हीं॑ धु॒निमे॑तो॒रर॑म॒णात्सो॑ अ॒स्नातृ॑न॒पा॒रय॑त्स्व॒स्ति ।
- 2.015.05c त॒ उत्त्ना॑य॒ रयि॑म॒भि प्र॑ त॒स्थुः॑ सोम॒स्य ता॑ म॒द् इन्द्र॑श्चकार ॥
- 2.015.06a सो॒दञ्च॑ सि॒न्धुम॑रि॒णान्म॑हि॒त्वा वज्रे॑णान॒ उष॑सः॒ सं पि॑पेष ।
- 2.015.06c अ॒जव॑सो॒ जवि॑नी॒भिर्वि॑वृ॒श्चन्सो॑म॒स्य ता॑ म॒द् इन्द्र॑श्चकार ॥
- 2.015.07a स॒ वि॒द्वाँ अ॒पगो॑हं॒ कनी॑ना॒मावि॑र्भव॒न्नृद॑ति॒ष्ठत्प॑रावृक् ।
- 2.015.07c प्र॒ति श्रो॑ण॒ स्थाद्व॑श्न॒गच॑ष्ट॒ सोम॑स्य॒ ता म॒द् इन्द्र॑श्चकार ॥
- 2.015.08a भि॒नद्व॑ल॒मङ्गि॑रो॒भिर्गृ॑णानो॒ वि प॑र्व॒तस्य॑ दृ॒हितान्यै॑रत् ।
- 2.015.08c रि॒णग्रो॑धांसि॒ कृत्रि॑मा॒ण्येषां॑ सोम॒स्य ता॑ म॒द् इन्द्र॑श्चकार ॥
- 2.015.09a स्व॒प्नेना॑भ्यु॒प्या चु॑मु॒रिं धु॑निं॒ च ज॑घन्थ॒ दस्युं॑ प्र॒ दभी॑ति॒मावः॑ ।
- 2.015.09c र॒म्भी चि॑दत्र॒ विवि॑दे॒ हिर॑ण्यं॒ सोम॑स्य॒ ता म॒द् इन्द्र॑श्चकार ॥
- 2.015.10a नू॒नं सा॒ ते प्र॑ति॒ वरं॑ ज॒रित्रे॑ दु॒हीय॑दिन्द्र॒ दक्षि॑णा॒ मघो॑नी ।
- 2.015.10c शि॒क्षा स्तो॑तृ॒भ्यो मा॑ति॒ धग्भ॑गो॒ नो बृ॒हद्व॑दे॒म वि॒दथे॑ सु॒वीराः॑ ॥

- 2.016.01a प्र॒ वः स॒तां ज्ये॑ष्ठ॒तमा॑य॒ सुष्टु॑ति॒मग्ना॑विव॒ समि॑धाने॒ हवि॑भरै ।
- 2.016.01c इन्द्र॑म॒जुर्यं॑ ज॒रय॑न्तमु॒क्षितं॑ स॒नाद्यु॑वान॒मव॑से॒ हवाम॑हे ॥
- 2.016.02a यस्मा॑दिन्द्राद्बृ॒हतः॑ किं॒ चने॑मृ॒ते वि॒श्वान्य॑स्मिन्स॒म्भृता॑धि॒ वीर्या॑ ।
- 2.016.02c ज॒ठरे॑ सोमं॒ तन्वी॑ः॒ सहो॑ म॒हो ह॑स्ते॒ वज्रं॑ भ॒रति॑ शी॒र्षणि॑ क्र॒तुम् ॥
- 2.016.03a न॒ क्षोणी॑भ्यां॒ परि॑भ्वे॒ त इन्द्रि॑यं॒ न समु॑द्रैः॒ पव॑तैरिन्द्र॒ ते रथः॑ ।

- 2.016.03c न ते वज्रमन्वश्चोति कश्चन यदाशुभिः पतसि योजना पुरु ॥
- 2.016.04a विश्वे ह्यस्मै यजताय धृष्णवे क्रतुं भरन्ति वृषभाय सश्रुते ।
- 2.016.04c वृषा यजस्व हविषा विदुष्टरः पिबेन्द्र सोमं वृषभेण भानुना ॥
- 2.016.05a वृष्णः कोशः पवते मध्व ऊर्मिर्वृषभान्नाय वृषभाय पातवे ।
- 2.016.05c वृष्णाध्वर्यू वृषभासो अद्रयो वृषणं सोमं वृषभाय सुष्वति ॥
- 2.016.06a वृषा ते वज्र उत ते वृषा रथो वृष्णा हरी वृषभाययायुधा ।
- 2.016.06c वृष्णो मदस्य वृषभ त्वमीशिष इन्द्र सोमस्य वृषभस्य तृष्णुहि ॥
- 2.016.07a प्र ते नावं न समने वचस्युवं ब्रह्मणा यामि सवनेषु दाधृषिः ।
- 2.016.07c कुविन्नो अस्य वचसो निबोधिषदिन्द्रमुत्सं न वसुनः सिचामहे ॥
- 2.016.08a पुरा सम्बाधादभ्या ववृत्स्व नो धेनुर्न वत्सं यवसस्य पिप्युषी ।
- 2.016.08c सकृत्सु ते सुमतिभिः शतक्रतो सं पत्नीभिर्न वृष्णो नसीमहि ॥
- 2.016.09a नूनं सा ते प्रति वरं जरित्रे दुहीयदिन्द्र दक्षिणा मघोनी ।
- 2.016.09c शिन्ना स्तोतृभ्यो माति धग्भगो नो बृहद्वदेम विदथे सुवीराः ॥
- 2.017.01a तदस्मै नव्यमङ्गिरस्वदर्चत शुष्मा यदस्य प्रत्थोदीरते ।
- 2.017.01c विश्वा यद्गोत्रा सहसा परीवृता मदे सोमस्य दृंहितान्यैरयत् ॥
- 2.017.02a स भूतु यो ह प्रथमाय धायस ओजो मिमानो महिमानमातिरत् ।
- 2.017.02c शूरो यो युत्सु तन्वं परिव्यत शीर्षणि द्यां महिना प्रत्यमुञ्चत ॥

- 2.017.03a अ॒धा॒कृ॒णोः॑ प्र॒थ॒मं॑ वी॒र्यं॑ म॒ह॒द्य॒द॒स्य॒ाग्रे॑ ब्र॒ह्म॒णा॒ शु॒ष्म॒मै॒रयः॑ ।
- 2.017.03c र॒थे॒ष्ठेन॑ ह॒र्य॒श्चेन॑ वि॒च्यु॒ताः प्र॒ जी॒रयः॑ सि॒स्र॒ते स॒ध्र॒य॒श्क॒पृथ॒क् ॥
- 2.017.04a अ॒धा॒ यो वि॒श्वा भु॒वना॑भि म॒ज्मने॑शा॒नकृ॒त्प्र॒वया॑ अ॒भ्यव॑र्धत ।
- 2.017.04c आ॒द्रो॒द॒सी ज्यो॑ति॒षा व॒ह्नि॒रात॑नो॒त्सी॒व्यन्त॑मा॒सि दु॒धि॒ता स॒म॒व्य॒यत् ॥
- 2.017.05a स प्रा॒ची॒ना॒न्प॒र्व॒ता॒न्दृ॒ह॒दो॒जसा॑ध॒रा॒ची॒नम॑कृ॒णो॒द॒पा॒मपः॑ ।
- 2.017.05c अ॒धा॒र॒यत्पृ॑थि॒वीं वि॒श्व॒धाय॑स॒मस्त॑भ्रान्मा॒यया॑ द्या॒मव॑स्रसः ॥
- 2.017.06a सा॒स्मा अ॒रं बा॒हु॒भ्यां यं पि॒ताकृ॑णो॒द्वि॒श्व॒स्मादा॑ ज॒नु॒षो वे॒द॒स॒स्परि॑ ।
- 2.017.06c ये॒ना पृ॑थि॒व्यां नि॒ क्रि॒विं श॒य॒ध्यै व॒ज्रेण॑ ह॒त्व्य॒वृ॒णक्तु॑वि॒ष्व॒णिः ॥
- 2.017.07a अ॒मा॒जू॒रिव॑ पि॒त्रोः स॒चा स॒ती स॒मा॒नादा॑ स॒द॒स॒स्त्वामि॑ये भ॒गम् ।
- 2.017.07c कृ॒धि प्र॑के॒तमु॑प॒ मा॒स्या भर॑ द॒द्धि भा॒गं त॒न्वो॑३ ये॒न मा॑महः ॥
- 2.017.08a भो॒जं त्वा॑मि॒न्द्र व॒यं हु॒वेम॑ द॒दि॒ष्ट्वमि॒न्द्रापा॑सि वा॒जान् ।
- 2.017.08c अ॒वि॒ड्ढी॑न्द्र चि॒त्रया॑ न ऊ॒ती कृ॒धि वृ॑ष॒न्निन्द्र॑ व॒स्य॑सो नः ॥
- 2.017.09a नूनं॑ सा॒ ते प्र॒ति वरं॑ ज॒रि॒त्रे दु॒ही॒यदि॑न्द्र द॒क्षि॒णा म॒घोनी॑ ।
- 2.017.09c शि॒क्षा स्तो॑तृ॒भ्यो मा॒ति ध॒ग्भ॒गो नो बृ॒हद्वे॑म वि॒दथे॑ सु॒वी॒राः ॥
- 2.018.01a प्रा॒ता र॒थो न॒वो यो॒जि स॒स्त्रि॒श्व॒तु॒र्यु॒गस्त्रि॒कशः॑ स॒प्त॒र॒श्मिः॑ ।
- 2.018.01c द॒शा॒रि॒त्रो म॒नुष्यः॑ स्व॒र्षाः स इ॒ष्टि॒भिर्म॑ति॒भी रं॒ह्यो भू॑त् ॥
- 2.018.02a सा॒स्मा अ॒रं प्र॒थ॒मं स द्वि॒तीय॑मु॒तो तृ॒तीयं॑ म॒नुषः॑ स होता ।

- 2.018.02c अ॒न्य॒स्या॒ गर्भ॑म॒न्य ऊ॒ जन॑न्त॒ सो अ॒न्येभिः॑ स॒चते॒ जे॒न्यो वृ॒षा ॥
- 2.018.03a ह॒री नु॒ कं रथ॑ इन्द्र॒स्य यो॒जमा॑यै॒ सूक्ते॑न व॒चसा॑ नवे॒न ।
- 2.018.03c मो॒ षु त्वा॑मत्र॒ बह॑वो॒ हि वि॒प्रा नि॒ रीर॑म॒न्यज॑माना॒सो अ॒न्ये ॥
- 2.018.04a आ॒ द्वाभ्यां॑ ह॒रिभ्या॑मिन्द्र॒ याह्या॑ च॒तुर्भि॑रा॒ षड्भि॑र्हूय॒मानः॑ ।
- 2.018.04c आ॒ष्टाभि॑र्द॒शभिः॑ सोम॒पेय॑म॒यं सु॒तः सु॑म॒ख मा॒ मृध॑स्कः ॥
- 2.018.05a आ॒ विंश॑त्या॒ त्रिंश॑ता॒ याह्य॑र्वा॒डा च॒त्वारि॑शता॒ हरि॑भिर्यु॒जानः॑ ।
- 2.018.05c आ॒ पञ्चा॑शता॒ सुर॑थे॒भिरिन्द्रा॑ ष॒ष्ट्या स॑प्त॒त्या सो॑म॒पेय॑म् ॥
- 2.018.06a आ॒शीत्या॑ न॒वत्या॑ याह्य॒र्वाडा॑ श॒तेन॑ ह॒रिभि॑रु॒ह्यमा॑नः ।
- 2.018.06c अ॒यं हि॑ ते॒ शुन॑हो॒त्रेषु॑ सोम॒ इन्द्र॒ त्वाया॑ परि॒षिक्तो॑ म॒दाय॑ ॥
- 2.018.07a म॒म ब्र॑ह्मेन्द्र॒ याह्य॑च्छा॒ विश्वा॑ ह॒री धु॑रि॒ धिष्वा॑ रथ॒स्य ।
- 2.018.07c पु॒रुत्रा॑ हि॒ विह॑व्यो॒ बभू॑था॒स्मिञ्छू॑र॒ सव॑ने॒ माद॑यस्व ॥
- 2.018.08a न॒ म इन्द्रे॑ण॒ सख्यं॑ वि॒ योष॑द॒स्मभ्य॑म॒स्य द॑क्षिणा॒ दुही॑त ।
- 2.018.08c उ॒प ज्ये॑ष्ठे॒ वरू॑थे॒ गभ॑स्तौ॒ प्राये॑प्राये॒ जिगी॑वांसः॒ स्याम॑ ॥
- 2.018.09a नू॒नं सा॑ ते॒ प्रति॑ वरं॒ जरि॑त्रे॒ दुही॑यदिन्द्र॒ दक्षि॑णा॒ मघो॑नी ।
- 2.018.09c शि॒क्षा स्तो॑तृ॒भ्यो मा॑ति॒ धग्भ॑गो॒ नो बृ॑हद्व॒देम॑ वि॒दथे॑ सु॒वीराः॑ ॥
- 2.019.01a अ॒पाय्य॑स्या॒न्धसो॑ म॒दाय॑ म॒नीषि॑णः॒ सुवा॑न॒स्य प्र॑यसः ।
- 2.019.01c य॒स्मिन्निन्द्रः॑ प्र॒दिवि॑ वावृ॒धान॑ ओ॒को द॒धे ब्र॑ह्म॒ण्यन्त॑श्च॒ नरः॑ ॥

- 2.019.02a अ॒स्य॑ म॒न्दा॒नो॑ म॒ध्वो॑ व॒ज्र॒ह॒स्तो॑ऽहि॒मिन्द्रो॑ अ॒र्णो॑वृ॒तं वि॑ वृ॒श्चत् ।
- 2.019.02c प्र॒ यद्व्यो॑ न॒ स्व॒स॒रा॒ण्य॒च्छा॑ प्र॒यांसि॑ च॒ नदी॑नां च॒क्र॒म॒न्त ॥
- 2.019.03a स॒ मा॒हि॒न॒ इन्द्रो॑ अ॒र्णो॑ अ॒पां प्रै॑र॒यद॑हिहा॒च्छा॑ स॒मु॒द्रम् ।
- 2.019.03c अ॒ज॒न॒य॒त्सूर्य॑ वि॒द॒द्रा॑ अ॒क्तु॒ना॒ह्वां॑ व॒यु॒ना॒नि॑ सा॒धत् ॥
- 2.019.04a सो॑ अ॒प्र॒ती॒नि॒ मन॑वे॒ पुरू॒णीन्द्रो॑ दा॒श॒दा॒शु॒षे॒ ह॒न्ति॑ वृ॒त्रम् ।
- 2.019.04c सद्यो॑ यो नृ॒भ्यो॑ अ॒त॒सा॒य्यो॑ भू॒त्प॒स्पृ॒धा॒ने॒भ्यः॑ सूर्य॑स्य सा॒तौ ॥
- 2.019.05a स॒ सु॒न्व॒त॒ इन्द्रः॑ सूर्य॑मा॒ दे॒वो रि॑ण॒ङ्म॒र्त्या॑यि॒ स्त॒वान् ।
- 2.019.05c आ॒ य॒द्रयि॑ गु॒ह॒द॒व॒द्य॒म॒स्मै॑ भ॒र॒दं॒शं॑ नै॒त॒शो॑ द॒श॒स्य॑न् ॥
- 2.019.06a स॒ र॒न्ध॒य॒त्स॒दिवः॑ सा॒र॒थ॒ये॑ शु॒ष्ण॑म॒शु॒षं॒ कु॒य॒वं॑ कु॒त्सा॑य ।
- 2.019.06c दि॒वो॑दा॒साय॑ न॒वतिं॑ च॒ न॒वेन्द्रः॑ पु॒रो॒ व्यै॑र॒च्छ॒म्ब॒र॒स्य ॥
- 2.019.07a ए॒वा॒ त॒ इन्द्रो॑च॒थ॒म॒हे॒म॒ श्र॒व॒स्या॑ न॒ त॒म॒ना॑ वा॒ज॒य॒न्तः॑ ।
- 2.019.07c अ॒श्या॑म॒ तत्सा॑प्त॒मा॒शु॒षा॒णा॒ न॒न॒मो॑ व॒ध॒र॒दे॒व॒स्य॑ पी॒योः ॥
- 2.019.08a ए॒वा॒ ते॑ गृ॒त्स॒म॒दाः॑ शू॒र॒ म॒न्मा॑व॒स्य॒वो॒ न॒ व॒यु॒ना॒नि॑ त॒द्भुः॑ ।
- 2.019.08c ब्र॒ह्म॑ण्यन्त॒ इन्द्र॑ ते॒ न॒वी॒य॒ इ॒ष॒मूर्जं॑ सु॒क्षि॒तिं॑ सु॒न्न॒म॒श्युः ॥
- 2.019.09a नू॒नं॑ सा॒ ते॒ प्र॒ति॒ व॒रं॑ ज॒रि॒त्रे॑ दु॒ही॒य॒दिन्द्र॑ द॒क्षि॒णा॑ म॒घो॒नी॑ ।
- 2.019.09c शि॒क्षा॑ स्तो॒तृ॒भ्यो॑ मा॒ति॑ ध॒ग्भ॑गो॒ नो॒ बृ॒ह॒द्व॒दे॒म॒ वि॒दथे॑ सु॒वी॒राः ॥
- 2.020.01a व॒यं॑ ते॒ व॒य॑ इन्द्र॒ वि॒द्धि॒ षु॒ णः॑ प्र॒ भ॒रा॒म॒हे॑ वा॒ज॒यु॒र्न॑ रथ॒म् ।

- 2.020.01c वि॒प॒न्य॒वो॒ दी॒ध्य॒तो॒ म॒नी॒षा॒ सु॒म॒न॒मि॒य॒क्ष॒न्त॒स्त्वा॒व॒तो॒ नृ॒न् ॥
- 2.020.02a त्वं॑ न॒ इन्द्र॑ त्वाभि॒रू॒ती॒ त्वा॒य॒तो॒ अ॒भि॒ष्टि॒पा॒सि॒ ज॒ना॒न् ।
- 2.020.02c त्वमि॒नो॒ दा॒शु॒षो॒ व॒रू॒ते॒त्था॒धी॒र॒भि॒ यो॒ न॒क्ष॒ति॒ त्वा ॥
- 2.020.03a स॒ नो॒ यु॒वेन्द्रो॑ जो॒हू॒त्रः॒ स॒खा॒ शि॒वो॒ न॒रा॒म॒स्तु॒ पा॒ता ।
- 2.020.03c यः॒ शं॒स॒न्तं॒ यः॒ श॒श॒मा॒न॒मू॒ती॒ प॒च॒न्तं॒ च॒ स्तु॒व॒न्तं॒ च॒ प्र॒णो॒षत् ॥
- 2.020.04a त॒मु॒ स्तु॒ष॒ इन्द्रं॑ तं॒ गृ॒णी॒षे॒ य॒स्मि॒न्पु॒रा॒ वा॒वृ॒धुः॒ शा॒श॒दु॒श्च ।
- 2.020.04c स॒ व॒स्वः॒ का॒मं॒ पी॒प॒र॒दि॒या॒नो॒ ब्र॒ह्म॒ण॒य॒तो॒ नू॒त॒न॒स्या॒योः ॥
- 2.020.05a सो॒ अ॒ङ्गि॒र॒सा॒मु॒च॒था॒ जु॒जु॒ष्वान्ब्र॒ह्मा॒ तू॒तो॒दिन्द्रो॑ गा॒तु॒मि॒ष्णान् ।
- 2.020.05c मु॒ष्णान्नु॒षसः॑ सू॒र्ये॒ण॒ स्त॒वा॒न॒श्च॒स्य॒ चि॒च्छि॒न्न॒थ॒त्पू॒र्व्या॒णि ॥
- 2.020.06a स॒ ह॒ श्रु॒त॒ इन्द्रो॑ ना॒म॒ दे॒व॒ ऊ॒र्ध्वो॑ भु॒व॒न्म॒नु॒षे॒ द॒स्म॒त॒मः ।
- 2.020.06c अ॒व॒ प्रि॒य॒म॒र्श॒सा॒न॒स्य॒ सा॒हा॒जि॒ष्ठ्रो॑ भ॒र॒द्वा॒स॒स्य॒ स्व॒धा॒वा॒न् ॥
- 2.020.07a स॒ वृ॒त्र॒हेन्द्रः॑ कृ॒ष्ण॒यो॒नीः॒ पु॒रं॒द॒रो॒ दा॒सी॒रि॒र॒य॒द्वि ।
- 2.020.07c अ॒ज॒न॒य॒न्म॒न॒वे॒ क्षा॒म॒प॒श्च॒ स॒त्रा॒ शं॒सं॒ य॒ज॒मा॒न॒स्य॒ तू॒तो॒त् ॥
- 2.020.08a त॒स्मै॑ त॒व॒स्य॑श्म॒नु॒ दा॒यि॒ स॒त्रे॒न्द्रा॒य॒ दे॒वे॒भि॒र॒र्णा॒सा॒तौ ।
- 2.020.08c प्र॒ति॒ य॒द॒स्य॒ व॒ज्रं॒ बा॒हो॑र्धु॒र्ह॒त्वी॒ द॒स्यू॒न्पु॒र॒ आ॒य॒सी॒र्नि॒ ता॒री॒त् ॥
- 2.020.09a नू॒नं॑ सा॒ ते॒ प्र॒ति॒ व॒रं॒ ज॒रि॒त्रे॒ दु॒ही॒य॒दिन्द्र॑ द॒क्षि॒णा॒ म॒घो॒नी ।
- 2.020.09c शि॒क्षा॒ स्तो॒तृ॒भ्यो॒ मा॒ति॒ ध॒ग्भ॒गो॒ नो॒ बृ॒ह॒द्व॒दे॒म॒ वि॒दथे॑ सु॒वी॒राः ॥

- 2.021.01a विश्वजिते॑ धनजिते॑ स्वजिते॑ सत्राजिते॑ नृजित॑ उर्वराजिते॑ ।
- 2.021.01c अश्वजिते॑ गोजिते॑ अञ्जिते॑ भरेन्द्राय॑ सोमं॑ यजताय॑ हर्यतम् ॥
- 2.021.02a अभिभुवे॑ऽभिभङ्गाय॑ वन्वते॑ऽषाळ्हाय॑ सहमानाय॑ वेधसे॑ ।
- 2.021.02c तुविग्रये॑ वह्नये॑ दुष्टरीतवे॑ सत्रासाहे॑ नम इन्द्राय॑ वोचत ॥
- 2.021.03a सत्रासाहो॑ जनभक्तो॑ जनसहश्च्यवनो॑ युध्मो॑ अनु॑ जोषमुदितः॑ ।
- 2.021.03c वृतंचयः॑ सहुरिर्विद्वारित॑ इन्द्रस्य॑ वोचं॑ प्र कृतानि॑ वीर्या॑ ॥
- 2.021.04a अनानुदो॑ वृषभो॑ दोधतो॑ वधो॑ गम्भीर॑ ऋष्वो॑ असमष्टकाव्यः॑ ।
- 2.021.04c रध्रचोदः॑ श्रथनो॑ वीळितस्पृथुरिन्द्रः॑ सुयज्ञ॑ उषसः॑ स्वर्जनत् ॥
- 2.021.05a यज्ञेन॑ गातुमसुरो॑ विविद्विरे॑ धियो॑ हिन्वाना॑ उशिजो॑ मनीषिणः॑ ।
- 2.021.05c अभिस्वरा॑ निषदा॑ गा॑ अवस्यव॑ इन्द्रे॑ हिन्वाना॑ द्रविणान्याशत ॥
- 2.021.06a इन्द्र॑ श्रेष्ठानि॑ द्रविणानि॑ धेहि॑ चित्तिं॑ दक्षस्य॑ सुभगत्वमस्मे॑ ।
- 2.021.06c पोषं॑ रयीणामरिष्टिं॑ तनूनां॑ स्वाद्भानं॑ वाचः॑ सुदिनत्वमहाम् ॥
- 2.022.01a त्रिकद्रुकेषु॑ महिषो॑ यवाशिरं॑ तुविशुष्मस्तृपत्सोममपिबद्विष्णुना॑ सुतं॑ यथावशत् ।
- 2.022.01e स ई॑ ममाद् महि॑ कर्म॑ कतवे॑ महामुरुं॑ सैनं॑ सश्वदेवो॑ देवं॑ सत्यमिन्द्रं॑ सत्य॑ इन्दुः ॥
- 2.022.02a अध॑ त्विषीमाँ॑ अभ्योजसा॑ क्रिविं॑ युधाभवदा॑ रोदसी॑ अपृणदस्य॑ मज्मना॑ प्र वावृधे॑ ।
- 2.022.02e अधत्तान्यं॑ जठरे॑ प्रेमरिच्यत॑ सैनं॑ सश्वदेवो॑ देवं॑ सत्यमिन्द्रं॑ सत्य॑ इन्दुः ॥
- 2.022.03a साकं॑ जातः॑ क्रतुना॑ साकमोजसा॑ ववद्विथ॑ साकं॑ वृद्धो॑ वीर्यैः॑ सासहिर्मृधो॑ विचर्षणिः॑ ।

- 2.022.03e दा॒ता रा॒ध स्तु॒वते॑ का॒म्यं वसु॑ सै॒नं स॒श्व॒द्दे॒वो दे॒वं स॒त्यमिन्द्रं॑ स॒त्य इन्द्रुः॑ ॥
- 2.022.04a तव॑ त्य॒न्नर्यं॑ नृ॒तोऽप॑ इन्द्र॒ प्रथ॑मं पू॒र्व्यं दि॒वि प्र॒वाच्यं॑ कृ॒तम् ।
- 2.022.04c यद्दे॒वस्य॑ श॒वसा॑ प्रा॒रिणा॑ अ॒सुं रि॒णन्न॑पः ।
- 2.022.04e भुव॑द्वि॒श्वम॒भ्यादे॒वमो॒जसा॑ वि॒दादूर्जं॑ श॒तक्र॑तुर्वि॒दादि॑षम् ॥
- 2.023.01a ग॒णानां॑ त्वा ग॒णप॑तिं ह॒वामहे॑ क॒विं क॒वीना॑मु॒पम॑श्रवस्त॒मम् ।
- 2.023.01c ज्ये॒ष्ठरा॑जं ब्र॒ह्मणां॑ ब्र॒ह्मण॑स्पत॒ आ नः॑ शृ॒ण्वन्नू॒तिभिः॑ सी॒द सा॑दनम् ॥
- 2.023.02a दे॒वाश्चित्ते॑ अ॒सुर्यं॑ प्र॒चेत॑सो बृ॒हस्प॑ते य॒ज्ञियं॑ भा॒गमा॑नशुः ।
- 2.023.02c उ॒स्मा इ॒व सू॒र्यो ज्यो॑तिषा॒ महो॑ वि॒श्वेषा॑मि॒ज्जनि॑ता ब्र॒ह्मणा॑मसि ॥
- 2.023.03a आ वि॒बाध्या॑ परि॒राप॑स्त॒मांसि॑ च ज्यो॒तिष्मन्तं॑ रथ॒मृत॑स्य तिष्ठसि ।
- 2.023.03c बृ॒हस्प॑ते भी॒मम॑भि॒त्रद॑म्भनं र॒त्तोह॑णं गो॒त्रभि॑दं स्व॒र्विद॑म् ॥
- 2.023.04a सु॒नीति॑भिर्नयसि त्राय॒से ज॒नं यस्तु॑भ्यं दा॒शान्न॑ तमं॒हो अ॑श्रवत् ।
- 2.023.04c ब्र॒ह्मद्वि॑षस्त॒पनो॑ म॒न्युमी॑रसि बृ॒हस्प॑ते म॒हि त॑त्ते म॒हित्व॑नम् ॥
- 2.023.05a न तमं॒हो न दुरि॑तं कु॒तश्च॑न नारा॒तय॑स्ति॒तिरु॑र्न द्वा॒यावि॑नः ।
- 2.023.05c विश्वा॑ इ॒दस्माद्द्व॑रसो वि बा॒धसे॑ यं सु॒गोपा॑ र॒क्षसि॑ ब्र॒ह्मण॑स्पते ॥
- 2.023.06a त्वं नो॑ गो॒पाः पथि॑कृ॒द्विच॑क्षणस्तव व्र॒ताय॑ म॒तिभि॑र्ज॒रामहे॑ ।
- 2.023.06c बृ॒हस्प॑ते यो नो॑ अ॒भि ह॑रो द॒धे स्वा॑ तं म॒र्मर्तुं॑ दु॒च्छु॒ना ह॑रस्वती ॥
- 2.023.07a उ॒त वा॑ यो नो॑ म॒र्चया॑दना॒गसो॑ऽरा॒तीवा॑ म॒र्तः सा॒नुको॑ वृ॒कः ।

- 2.023.07c बृहस्पते अप तं वर्तया पथः सुगं नो अस्त्यै देववीतये कृधि ॥
- 2.023.08a त्रातारं त्वा तनूनां हवामहेऽवस्पतरधिवक्तारमस्मयुम् ।
- 2.023.08c बृहस्पते देवनिदो नि बर्हय मा दुरेवा उत्तरं सुम्रमुन्नशन् ॥
- 2.023.09a त्वया वयं सुवृधा ब्रह्मणस्पते स्पार्हा वसु मनुष्या ददीमहि ।
- 2.023.09c या नो दूरे तळितो या अरातयोऽभि सन्ति जम्भया ता अनप्रसः ॥
- 2.023.10a त्वया वयमुत्तमं धीमहे वयो बृहस्पते पप्रिणा सस्त्रिना युजा ।
- 2.023.10c मा नो दुःशंसो अभिदिप्सुरीशत प्र सुशंसा मतिभिस्तारिषीमहि ॥
- 2.023.11a अनानुदो वृषभो जग्मिराहवं निष्टता शत्रुं पृतनासु सासहिः ।
- 2.023.11c असि सत्य ऋणया ब्रह्मणस्पत उग्रस्य चिद्मिता वीळुहर्षिणः ॥
- 2.023.12a अदेवेन मनसा यो रिषयति शासामुग्रो मन्यमानो जिघांसति ।
- 2.023.12c बृहस्पते मा प्रणक्तस्य नो वधो नि कर्म मन्युं दुरेवस्य शर्धतः ॥
- 2.023.13a भरेषु हव्यो नमसोपसद्यो गन्ता वाजेषु सनिता धनंधनम् ।
- 2.023.13c विश्वा इदर्यो अभिदिप्स्वोऽ मृधो बृहस्पतिर्वि ववर्हा रथां इव ॥
- 2.023.14a तेजिष्ठया तपनी रक्षसस्तप ये त्वा निदे दधिरे दृष्टवीर्यम् ।
- 2.023.14c आविस्तत्कृष्व यदसत्त उक्थ्यं बृहस्पते वि परिरापो अर्दय ॥
- 2.023.15a बृहस्पते अति यदर्यो अर्हाद्युमद्विभाति क्रतुमज्जनेषु ।
- 2.023.15c यदीदयच्छवस ऋतप्रजात तदस्मासु द्रविणं धेहि चित्रम् ॥
- 2.023.16a मा न स्तेनेभ्यो ये अभि द्रुहस्पदे निरामिणो रिपवोऽन्नेषु जागृधुः ।

2.023.16c आ दे॒वाना॑मो॒हते॒ वि॒ व्रयो॑ हृदि॒ बृह॑स्पते॒ न परः॑ साम्नो॒ विदुः॑ ॥

2.023.17a विश्वे॑भ्यो हि॒ त्वा भुव॑नेभ्यस्प॒रि त्वष्टा॑जनत्साम्नः॒ साम्नः॑ कविः ।

2.023.17c स ऋ॑णचिदृ॒णया॑ ब्रह्म॒णस्पति॑र्द्रुहो॒ हन्ता॑ मह॒ ऋत॑स्य॒ धर्तरि॑ ॥

2.023.18a तव॑ श्रिये॒ व्यजि॑हीत॒ पर्व॑तो॒ गवां॑ गोत्रमुदसृ॒जो यद॑ङ्गिरः ।

2.023.18c इन्द्रे॑ण यु॒जा तम॑सा॒ परी॑वृतं॒ बृह॑स्पते॒ निर॑पामौ॒जो अर्ण॑वम् ॥

2.023.19a ब्रह्म॑णस्पते॒ त्वम॑स्य॒ यन्ता॑ सू॒क्तस्य॑ बोधि॒ तनयं॑ च जिन्व ।

2.023.19c विश्वं॑ तद्भ॒द्रं यद॑वन्ति॒ देवा॑ बृहद्व॒देम॑ विदथे॒ सुवी॑राः ॥

2.024.01a से॒माम॑विड्ढि॒ प्रभृ॑तिं॒ य ईशि॑षेऽया॒ विधे॑म॒ नव॑या॒ महा॑ गिरा ।

2.024.01c यथा॑ नो॒ मीढ्वा॑न्स्तव॒ते सखा॑ तव॒ बृह॑स्पते॒ सीष॑धः॒ सोत॑ नो॒ मति॑म् ॥

2.024.02a यो नन्त्वा॑न्यनम॒न्यो जसो॑ताद॒र्दम॑न्युना॒ शम्ब॑राणि॒ वि ।

2.024.02c प्रा॒च्याव॑यद॒च्युता॑ ब्रह्म॒णस्पति॑रा॒ चावि॑शद्वसु॒मन्तं॑ वि॒ पर्व॑तम् ॥

2.024.03a तद्दे॒वानां॑ दे॒वत॑माय॒ कर्त्व॑मश्र॒थन॑न्ट॒ळ्हाव॑दन्त॒ वीळि॑ता ।

2.024.03c उ॒द्रा अ॑जद॒भिन॑द्ब्रह्म॒णा व॑लम॒गूह॑त्तमो॒ व्यच॑क्षयत्स्वः ॥

2.024.04a अ॒श्मा॑स्यमव॒तं ब्रह्म॑णस्पति॒र्मधु॑धारम॒भि यमो॑जसा॒तृणा॑त् ।

2.024.04c तमे॒व विश्वे॑ प॒पिरे॑ स्व॒र्दृशो॑ बहु॒ साकं॑ सि॒सिचु॑रुत्समु॒द्रिणा॑म् ॥

2.024.05a सना॑ ता॒ का चि॒द्भुव॑ना॒ भवी॑त्वा॒ माद्भिः॑ शर॒द्भिर्दु॑रो॒ वर॑न्त वः ।

2.024.05c अ॒यत॑न्ता॒ चर॑तो॒ अन्य॑दन्यदि॒द्या च॑कार॒ वयु॑ना॒ ब्रह्म॑णस्पतिः ॥

- 2.024.06a अ॒भिन॑क्षन्तो॒ अ॒भि॒ ये॒ त॒मा॒न॒शु॒र्नि॒धिं॑ प॒णी॒नां॑ प॒र॒मं॑ गु॒हा॒ हि॒त॒म् ।
- 2.024.06c ते॒ वि॒द्वांसः॑ प्र॒ति॒च॒द्या॒नृ॒ता॒ पु॒न॒र्य॑त॒ उ॒ आ॒य॒न्त॑दु॒दी॒यु॒रा॒वि॒श॒म् ॥
- 2.024.07a ऋ॒ता॒वा॒नः॑ प्र॒ति॒च॒द्या॒नृ॒ता॒ पु॒न॒रा॑त॒ आ॒ त॒स्थुः॑ क॒व॒यो॑ म॒ह॒स्प॒थः॑ ।
- 2.024.07c ते॒ बा॒हु॒भ्यां॑ ध॒मि॒त॒म॒ग्नि॑म॒श्म॒नि॒ न॒किः॑ षो॒ अ॒स्त्य॑रणो॒ ज॒हु॒र्हि॑ त॒म् ॥
- 2.024.08a ऋ॒त॒ज्ये॑न॒ क्षि॒प्रेण॑ ब्र॒ह्म॒ण॒स्प॒ति॒र्यत्र॑ व॒ष्टि॒ प्र॒ तद॑श्नोति॒ ध॒न्व॒ना॒ ।
- 2.024.08c तस्य॑ सा॒ध्वी॑रिष॒वो॒ या॒भि॒र॒स्य॑ति॒ नृ॒च॒क्ष॑सो॒ दृ॒श॒ये॒ कर्ण॑यो॒नयः॑ ॥
- 2.024.09a स॒ सं॒नयः॑ स॒ वि॒नयः॑ पु॒रो॒हि॒तः॑ स॒ सु॒ष्टु॒तः॑ स॒ यु॒धि॒ ब्र॒ह्म॒ण॒स्प॒तिः॑ ।
- 2.024.09c चा॒क्ष॒मो॒ यद्वा॒जं॑ भ॒रते॑ म॒ती॒ ध॒ना॑दि॒त्सूर्य॑स्त॒पति॑ त॒प्य॒तुर्वृ॑था ॥
- 2.024.10a वि॒भु॒ प्र॒भु॒ प्रथ॑मं॒ मे॒ह॒ना॒व॒तो॒ बृ॒ह॒स्प॒तेः॑ सु॒वि॒द॒त्रा॒णि॒ रा॒ध्या॑ ।
- 2.024.10c इ॒मा॒ सा॒ता॒नि॒ वे॒न्य॑स्य॒ वा॒जि॒नो॒ ये॒न॒ ज॒ना॒ उ॒भये॑ भु॒ञ्ज॒ते॒ वि॒शः॑ ॥
- 2.024.11a योऽ॒वरे॑ वृ॒जने॑ वि॒श्व॒था॒ वि॒भु॒र्म॒हामु॑ र॒गवः॑ श॒वसा॑ वव॒क्षि॑थ ।
- 2.024.11c स॒ दे॒वो॒ दे॒वा॒न्प्र॑ति॒ प॒प्र॒थे॒ पृथु॑ वि॒श्वे॒दु॒ ता॒ परि॑भूर्ब्र॒ह्म॒ण॒स्प॒तिः॑ ॥
- 2.024.12a वि॒श्वं॑ स॒त्यं॑ म॒घ॒वा॒ना॒ यु॒वो॒रि॒दा॒प॒श्च॒न॒ प्र॒ मि॒न॒न्ति॑ व्र॒तं॑ वा॒म् ।
- 2.024.12c अ॒च्छे॑न्द्रा॒ब्र॒ह्म॒ण॒स्प॒ती॒ ह॒वि॒र्नोऽन्नं॑ यु॒जे॒व॒ वा॒जि॒ना॑ जि॒गा॒त॒म् ॥
- 2.024.13a उ॒ता॒शि॒ष्ठा॒ अ॒नु॒ शृ॒ण्व॑न्ति॒ व॒ह्नयः॑ स॒भे॒यो॒ वि॒प्रो॑ भ॒रते॑ म॒ती॒ ध॒ना॑ ।
- 2.024.13c वी॒ळु॒द्वेषा॑ अ॒नु॒ व॒श॒ ऋ॒ण॒मा॒द॒दिः॑ स॒ ह॒ वा॒जी॑ स॒मि॒थे॒ ब्र॒ह्म॒ण॒स्प॒तिः॑ ॥
- 2.024.14a ब्र॒ह्म॒ण॒स्प॒ते॒रभ॑वद्यथा॒व॒शं॑ स॒त्यो॒ म॒न्यु॑र्म॒हि॒ क॒र्मा॑ क॒रि॒ष्य॑तः ।
- 2.024.14c यो॒ गा॒ उ॒दा॒ज॒त्स॒ दि॒वे॒ वि॒ चा॒भ॒ज॒न्म॒ही॒व॒ री॒तिः॑ श॒वसा॑सर॒त्पृथ॑क् ॥

2.024.15a ब्रह्म॑णस्प॒ते सु॒यम॑स्य वि॒श्वहा॑ रा॒यः स्या॑म रथ्यो॑३ व॒यस्व॑तः ।

2.024.15c वी॒रेषु॑ वी॒राँ उप॑ पृ॒ड्धि न॒स्त्वं यदी॑शानो ब्रह्म॑णा वे॒षि मे॑ ह॒वम् ॥

2.024.16a ब्रह्म॑णस्प॒ते त्वम॑स्य य॒न्ता सू॒क्तस्य॑ बो॒धि तन॑यं च जि॒न्व ।

2.024.16c वि॒श्वं तद्भ॑द्रं यद॒वन्ति॑ दे॒वा बृ॒हद्व॑दे॒म वि॒दथे॑ सु॒वीराः॑ ॥

2.025.01a इ॒न्धानो॑ अ॒ग्निं व॒नव॑द्वनु॒ष्यतः॑ कृ॒तब्र॑ह्मा शू॒शुव॑द्रा॒तह॒व्य इ॒त् ।

2.025.01c जा॒तेन॑ जा॒तम॑ति स प्र स॒सृते॑ यं॒यं यु॒जं कृ॑णु॒ते ब्रह्म॑णस्प॒तिः ॥

2.025.02a वी॒रेभि॑र्वी॒रान् व॒नव॑द्वनु॒ष्यतो॑ गो॒भी र॒यिं प॒प्रथ॑द्वो॒धति॑ त्म॒ना ।

2.025.02c तो॒कं च॑ तस्य॑ तन॒यं च॑ वर्ध॒ति यं॒यं यु॒जं कृ॑णु॒ते ब्रह्म॑णस्प॒तिः ॥

2.025.03a सि॒न्धुर्न॑ द्दो॒दः शि॒मीवाँ॑ अ॒घाय॑तो वृ॒षेव॑ व॒ध्रीर॑भि व॒ष्ट्यो॒जसा॑ ।

2.025.03c अ॒ग्नेरि॑व प्र॒सिति॑र्नाह॒ वत॑वि॒ यं॒यं यु॒जं कृ॑णु॒ते ब्रह्म॑णस्प॒तिः ॥

2.025.04a तस्मा॑ अ॒र्षन्ति॑ दि॒व्या अ॒सश्च॑तः स स॒त्वभिः॑ प्रथ॒मो गो॑षु ग॒च्छति॑ ।

2.025.04c अ॒निभृ॑ष्ट॒तवि॑षि॒हन्त्यो॑जसा॒ यं॒यं यु॒जं कृ॑णु॒ते ब्रह्म॑णस्प॒तिः ॥

2.025.05a तस्मा॑ इ॒द्विश्वे॑ धु॒नय॑न्त॒ सिन्ध॑वोऽ॒च्छि॒द्रा श॑र्म॒ दधि॑रे पु॒रूणि॑ ।

2.025.05c दे॒वानां॑ सु॒म्ने सु॒भगः॑ स ए॒धते॑ यं॒यं यु॒जं कृ॑णु॒ते ब्रह्म॑णस्प॒तिः ॥

2.026.01a ऋ॒जुरि॑च्छं॒सो व॒नव॑द्वनु॒ष्यतो॑ दे॒वय॑न्नि॒ददे॑व॒यन्त॑म॒भ्यस॑त् ।

2.026.01c सु॒प्रावी॑रि॒द्वन॑व॒त्पृ॒त्सु दु॒ष्ट्रं य॒ज्वेद॑य॒ज्योर्वि॑ भ॒जाति॑ भो॒जन॑म् ॥

- 2.026.02a यजस्व वीर प्र विहि मनायतो भद्रं मनः कृणुष्व वृत्रतूर्ये ।
- 2.026.02c हविष्कृणुष्व सुभगो यथाससि ब्रह्मणस्पतेरव आ वृणीमहे ॥
- 2.026.03a स इज्जनेन स विशा स जन्मना स पुत्रैर्वाजं भरते धना नृभिः ।
- 2.026.03c देवानां यः पितरमाविवासति श्रद्धामना हविषा ब्रह्मणस्पतिम् ॥
- 2.026.04a यो अस्मै हव्यैर्घृतवद्भिरविधत्प्र तं प्राचा नयति ब्रह्मणस्पतिः ।
- 2.026.04c उरुष्यतीमंहसो रक्षती रिषोऽहोश्चिदस्मा उरुचक्रिरद्भुतः ॥
- 2.027.01a इमा गिर आदित्येभ्यो घृतसूः सनाद्राजभ्यो जुहा जुहोमि ।
- 2.027.01c शृणोतु मित्रो अर्यमा भगो नस्तुविजातो वरुणो दत्तो अंशः ॥
- 2.027.02a इमं स्तोमं सक्रतवो मे अद्य मित्रो अर्यमा वरुणो जुषन्त ।
- 2.027.02c आदित्यासः शुचयो धारपूता अवृजिना अनवद्या अरिष्टाः ॥
- 2.027.03a त आदित्यास उरवो गभीरा अदब्धासो दिप्सन्तो भूर्यक्षाः ।
- 2.027.03c अन्तः पश्यन्ति वृजिनोत साधु सर्व राजभ्यः परमा चिदन्ति ॥
- 2.027.04a धारयन्त आदित्यासो जगत्स्था देवा विश्वस्य भुवनस्य गोपाः ।
- 2.027.04c दीर्घार्धियो रक्षमाणा असुर्यमृतावानश्चयमाना ऋणानि ॥
- 2.027.05a विद्यामादित्या अवसो वो अस्य यदर्यमन्भय आ चिन्मयोभु ।
- 2.027.05c युष्माकं मित्रावरुणा प्रणीतौ परि श्वभ्रेव दुरितानि वृज्याम् ॥
- 2.027.06a सुगो हि वो अर्यमन्मित्र पन्था अनृक्षरो वरुण साधुरस्ति ।

- 2.027.06c तेनादित्या अधि वोचता नो यच्छता नो दुष्परिहन्तु शर्म ॥
- 2.027.07a पिपर्तु नो अदिती राजपुत्राति द्वेषांस्यर्यमा सुगेभिः ।
- 2.027.07c बृहन्मित्रस्य वरुणस्य शर्मोप स्याम पुरुवीरा अरिष्ठाः ॥
- 2.027.08a तिस्रो भूमीधारयन्त्रीरुत द्यून्त्रीणि व्रता विदथे अन्तरेषाम् ।
- 2.027.08c ऋतेनादित्या महि वो महित्वं तदर्यमन्वरुण मित्र चारु ॥
- 2.027.09a त्री रोचना दिव्या धारयन्त हिरण्ययाः शुचयो धारपूताः ।
- 2.027.09c अस्वप्रजो अनिमिषा अदब्धा उरुशंसा ऋजवे मर्त्याय ॥
- 2.027.10a त्वं विश्वेषां वरुणासि राजा ये च देवा असुर ये च मर्ताः ।
- 2.027.10c शतं नो रास्व शरदो विचक्षेऽश्यामायूंषि सुधितानि पूर्वा ॥
- 2.027.11a न दक्षिणा वि चिकिते न सव्या न प्राचीनमादित्या नोत पश्चा ।
- 2.027.11c पाक्या चिद्वसवो धीर्या चिद्युष्मानीतो अभयं ज्योतिरश्याम् ॥
- 2.027.12a यो राजभ्य ऋतनिभ्यो ददाश यं वर्धयन्ति पुष्टयश्च नित्याः ।
- 2.027.12c स रेवान्याति प्रथमो रथेन वसुदावा विदथेषु प्रशस्तः ॥
- 2.027.13a शुचिरपः सूयवसा अदब्ध उप क्षेति वृद्धवयाः सुवीरः ।
- 2.027.13c नकिष्टं घ्नन्त्यन्तितो न दूराद्य आदित्यानां भवति प्रणीतौ ॥
- 2.027.14a अदिते मित्र वरुणोत मृळ यद्वो वयं चकृमा कच्चिदागः ।
- 2.027.14c उर्वश्यामभयं ज्योतिरिन्द्र मा नो दीर्घा अभि नशन्तमिस्राः ॥
- 2.027.15a उभे अस्मै पीपयतः समीची दिवो वृष्टिं सुभगो नाम पुष्यन् ।

- 2.027.15c उभा द्यावाजयन्याति पृत्सूभावर्धौ भवतः साधू अस्मै ॥
- 2.027.16a या वो माया अभिद्रुहे यजत्राः पाशा आदित्या रिपवे विचृत्ताः ।
- 2.027.16c अश्वीव ताँ अति येषं रथेनारिष्ठा उरावा शर्मन्स्याम ॥
- 2.027.17a माहं मघोनो वरुण प्रियस्य भूरिदान्न आ विदं शूनमापेः ।
- 2.027.17c मा रायो राजन्सुयमादव स्थां बृहद्वदेम विदथे सुवीराः ॥
- 2.028.01a इदं कवेरादित्यस्य स्वराजो विश्वानि सान्त्यभ्यस्तु महा ।
- 2.028.01c अति यो मन्द्रो यजथाय देवः सुकीर्तिं भिक्षे वरुणस्य भूरेः ॥
- 2.028.02a तव व्रते सुभगासः स्याम स्वाध्यो वरुण तुष्टुवांसः ।
- 2.028.02c उपायन उषसां गोमतीनामग्नयो न जरमाणा अनु द्यून् ॥
- 2.028.03a तव स्याम पुरुवीरस्य शर्मन्नुरुशंसस्य वरुण प्रणेतः ।
- 2.028.03c यूयं नः पुत्रा अदितेरदब्धा अभि क्षमध्वं युज्याय देवाः ॥
- 2.028.04a प्र सीमादित्यो असृजद्विधर्तां ऋतं सिन्धवो वरुणस्य यन्ति ।
- 2.028.04c न श्राम्यन्ति न वि मुचन्त्येते वयो न पत्नू रघुया परिज्मन् ॥
- 2.028.05a वि मच्छथाय रशनामिवाग ऋध्याम ते वरुण खामृतस्य ।
- 2.028.05c मा तन्तुश्छेदि वयतो धियं मे मा मात्रा शार्यपसः पुर ऋतोः ॥
- 2.028.06a अपो सु म्यक्ष वरुण भियसं मत्सम्राळृतावोऽनु मा गृभाय ।
- 2.028.06c दामेव वत्साद्वि मुमुग्ध्यंहो नहि त्वदारे निमिषश्चनेशे ॥

- 2.028.07a मा नो वधैर्वरुण ये त इष्टावेनः कृण्वन्तमसुर भ्रीणन्ति ।
- 2.028.07c मा ज्योतिषः प्रवसथानि गन्म वि षू मृधः शिश्रथो जीवसे नः ॥
- 2.028.08a नमः पुरा ते वरुणोत नूनमुतापरं तुविजात ब्रवाम ।
- 2.028.08c त्वे हि कं पवते न श्रितान्यप्रच्युतानि दूळभ व्रतानि ॥
- 2.028.09a पर ऋणा सावीरध मत्कृतानि माहं राजन्नन्यकृतेन भोजम् ।
- 2.028.09c अव्युष्टा इन्नु भूयसीरुषास आ नो जीवान्वरुण तासु शाधि ॥
- 2.028.10a यो मे राजन्युज्यो वा सखा वा स्वप्ने भयं भीरवे मह्यमाह ।
- 2.028.10c स्तेनो वा यो दिप्सति नो वृको वा त्वं तस्माद्वरुण पाह्यस्मान् ॥
- 2.028.11a माहं मघोनो वरुण प्रियस्य भूरिदान्न आ विदं शूनमापेः ।
- 2.028.11c मा रायो राजन्सुयमादव स्थां बृहद्वदेम विदथे सुवीराः ॥
- 2.029.01a धृतव्रता आदित्या इषिरा आरे मत्कर्त रहसूरिवागः ।
- 2.029.01c शृण्वतो वो वरुण मित्र देवा भद्रस्य विद्वाँ अवसे हुवे वः ॥
- 2.029.02a यूयं देवाः प्रमतिर्यूयमोजो यूयं द्वेषांसि सनुतर्युयोत ।
- 2.029.02c अभिदत्तारो अभि च क्षमध्वमद्या च नो मृळयतापरं च ॥
- 2.029.03a किमू नु वः कृणवामापरेण किं सनेन वसव आप्येन ।
- 2.029.03c यूयं नो मित्रावरुणादिते च स्वस्तिमिन्द्रामरुतो दधात ॥
- 2.029.04a ह्ये देवा यूयमिदापय स्थ ते मृळत नाधमानाय मह्यम् ।

- 2.029.04c मा वो रथो मध्यमवाळृते भून्मा युष्मावत्स्वापिषु श्रमिष्म ॥
- 2.029.05a प्र व एको मिमय भूर्यागो यन्मा पितेव कितवं शशास ।
- 2.029.05c आरे पाशा आरे अघानि देवा मा माधि पुत्रे विमिव ग्रभीष्ट ॥
- 2.029.06a अर्वाञ्चो अद्या भवता यजत्रा आ वो हार्दि भयमानो व्ययेयम् ।
- 2.029.06c त्राध्वं नो देवा निजुरो वृकस्य त्राध्वं कर्तादवपदो यजत्राः ॥
- 2.029.07a माहं मघोनो वरुण प्रियस्य भूरिदान्न आ विदं शूनमापेः ।
- 2.029.07c मा रायो राजन्सुयमादव स्थां बृहद्वदेम विदथे सुवीराः ॥
-
- 2.030.01a ऋतं देवाय कृण्वते सवित्र इन्द्रायाहिघ्ने न रमन्त आपः ।
- 2.030.01c अहरहर्यात्यक्तुरपां कियात्या प्रथमः सर्ग आसाम् ॥
- 2.030.02a यो वृत्राय सिनमत्राभरिष्यत्प्र तं जनित्री विदुष उवाच ।
- 2.030.02c पथो रदन्तीरनु जोषमस्मै दिवेदिवे धुनयो यन्त्यर्थम् ॥
- 2.030.03a ऊर्ध्वो ह्यस्थादध्यन्तरिक्षेऽधा वृत्राय प्र वधं जभार ।
- 2.030.03c मिहं वसान उप हीमदुद्रोत्तिग्मायुधो अजयच्छत्रुमिन्द्रः ॥
- 2.030.04a बृहस्पते तपुषाश्वेव विध्य वृकद्वरसो असुरस्य वीरान् ।
- 2.030.04c यथा जघन्थ धृषता पुरा चिदेवा जहि शत्रुमस्माकमिन्द्र ॥
- 2.030.05a अत्र क्षिप दिवो अश्मानमुच्चा येन शत्रुं मन्दसानो निजूर्वाः ।
- 2.030.05c तोकस्य सातौ तनयस्य भूरेरस्माँ अर्धं कृणुतादिन्द्र गोनाम् ॥

- 2.030.06a प्र हि क्रतुं वृहथो यं वनुथो रध्नस्य स्थो यजमानस्य चोदौ ।
- 2.030.06c इन्द्रासोमा युवमस्माँ अविष्टमस्मिन्भयस्थे कृणुतमु लोकम् ॥
- 2.030.07a न मा तमन्न श्रमन्नोत तन्द्रन्न वोचाम मा सुनोतेति सोमम् ।
- 2.030.07c यो मे पृणाद्यो ददद्यो निबोधाद्यो मा सुन्वन्तमुप गोभिरायत् ॥
- 2.030.08a सरस्वति त्वमस्माँ अविड्ढि मरुत्वती धृषती जेषि शत्रून् ।
- 2.030.08c त्यं चिच्छर्धन्तं तविषीयमाणमिन्द्रो हन्ति वृषभं शण्डिकानाम् ॥
- 2.030.09a यो नः सनुत्य उत वा जिघत्सुरभिख्याय तं तिगितेन विध्य ।
- 2.030.09c बृहस्पत आयुधैर्जेषि शत्रून्द्रुहे रीषन्तं परि धेहि राजन् ॥
- 2.030.10a अस्माकेभिः सत्वभिः शूर शूरैर्वीर्या कृधि यानि ते कर्त्वानि ।
- 2.030.10c ज्योगभूवन्ननुधूपितासो हत्वी तेषामा भरा नो वसूनि ॥
- 2.030.11a तं वः शर्धं मारुतं सुम्रयुर्गिरोप ब्रुवे नमसा दैव्यं जनम् ।
- 2.030.11c यथा रयिं सर्ववीरं नशामहा अपत्यसाचं श्रुत्यं दिवेदिवे ॥
- 2.031.01a अस्माकं मित्रावरुणावतं रथमादित्यै रुद्रैर्वसुभिः सचाभुवा ।
- 2.031.01c प्र यद्वयो न पत्नन्वस्मनस्परि श्रवस्यवो हृषीवन्तो वनर्षदः ॥
- 2.031.02a अध स्मा न उदवता सजोषसो रथं देवासो अभि विक्षु वाजयुम् ।
- 2.031.02c यदाशवः पद्याभिस्तित्रतो रजः पृथिव्याः सानौ जङ्घनन्त पाणिभिः ॥
- 2.031.03a उत स्य न इन्द्रो विश्वचर्षाणिर्दिवः शर्धेन मारुतेन सुक्रतुः ।

- 2.031.03c अनु॒ नु॒ स्था॒त्य॒वृ॒काभि॒रू॒ति॒भी॒ रथं॑ म॒हे स॒नये॑ वा॒जसा॑तये ॥
- 2.031.04a उ॒त स्य॑ दे॒वो भु॒वन॑स्य स॒क्षणि॑स्त्वष्टा॒ ग्राभिः॑ स॒जोषा॑ जू॒जुव॑द्रथम् ।
- 2.031.04c इ॒ळा भ॒गो बृ॒हद्दिवो॑त रो॒दसी॑ पू॒षा पु॒रंधि॑रश्वि॒नावधा॑ प॒ती ॥
- 2.031.05a उ॒त त्ये॑ दे॒वी सु॒भगे॑ मि॒थूदृ॑शोषा॒सानक्ता॑ जग॒तामपी॑जुवा ।
- 2.031.05c स्तु॒षे यद्वां॑ पृथि॒वि न॒व्यसा॑ वच॒ स्थातु॑श्च व॒यस्त्रि॑वया॒ उप॑स्तिरे ॥
- 2.031.06a उ॒त वः॑ शंस॒मुशि॑जामि॒व श्मस्य॑हिर्बु॒ध्न्योऽज॑ एक॒पादु॑त ।
- 2.031.06c त्रि॒त ऋ॒भुक्षाः॑ स॒विता॑ च॒नो द॒धेऽपां॑ न॒पादा॑शुहे॒मा धि॒या श॒मि ॥
- 2.031.07a ए॒ता वो॑ व॒शम्यु॑द्य॒ता य॒जत्रा॑ अ॒तक्ष॑न्नाय॒वो न॒व्यसे॑ सम् ।
- 2.031.07c श्र॒वस्य॑वो वा॒जं च॒कानाः॑ स॒प्तिर्न॑ रथ्यो॒ अह॑ धी॒तिम॑श्याः ॥
- 2.032.01a अ॒स्य मे॑ द्या॒वापृ॑थि॒वी ऋ॒ताय॑तो भू॒तम॑वि॒त्री व॒चसः॑ सि॒षास॑तः ।
- 2.032.01c य॒योरा॑युः प्र॒तरं॑ ते इ॒दं पु॒र उप॑स्तुते व॒सूयु॑र्वा॒ महो॑ द॒धे ॥
- 2.032.02a मा॒ नो गु॒ह्या रि॑प आ॒योर॑ह॒न्दभ॑न्मा॒ न आ॒भ्यो री॑रधो दु॒च्छु॒नाभ्यः॑ ।
- 2.032.02c मा॒ नो वि॒ यौः स॒ख्या वि॒द्धि त॑स्य॒ नः सु॒म्नाय॑ता॒ मन॑सा॒ तत्त्वे॑महे ॥
- 2.032.03a अ॒हेळ॑ता॒ मन॑सा॒ श्रु॒ष्टिमा॑ वह॒ दुहा॑नां॒ धेनुं॑ पि॒प्युषी॑मसश्च॒तम् ।
- 2.032.03c प॒द्याभि॑राशुं॒ वच॑सा च वा॒जिनं॑ त्वां हि॒नोमि॑ पु॒रुहू॑त वि॒श्वहा॑ ॥
- 2.032.04a रा॒काम॑हं सु॒हवां॑ सु॒ष्टुती॑ हु॒वे शृ॑णोतु॒ नः सु॒भगा॑ बो॒धतु॑ त्मना ।
- 2.032.04c सी॒व्यत्व॑पः॒ सूच्या॑च्छि॒द्यमा॑नया॒ ददा॑तु॒ वीरं॑ श॒तदा॑यमु॒क्थ्यम् ॥

- 2.032.05a यास्ते॑ राके॑ सु॒मतयः॑ सु॒पेशसो॑ याभिर्द॑दासि दा॒शुषे॑ वसू॒नि ।
- 2.032.05c ताभि॑र्नो अ॒द्य सु॒मना॑ उ॒पाग॑हि स॒हस्र॑पोषं सु॒भगे॑ रराणा ॥
- 2.032.06a सिनी॑वालि पृथु॒ष्टके॑ या दे॒वानाम॑सि स्वसा ।
- 2.032.06c जुष॑स्व ह॒व्यमा॑हुतं प्र॒जां दे॒वि दि॑दिडि॒ढ नः॑ ॥
- 2.032.07a या सु॑बाहुः स्व॒ङ्गुरिः॑ सु॒षूमा॑ बहु॒सूवरी॑ ।
- 2.032.07c तस्यै॑ वि॒शप॑त्न्यै ह॒विः सि॑नीवा॒ल्यै जु॑होतन ॥
- 2.032.08a या गु॒ङ्गूर्या॑ सिनी॒वाली॑ या रा॒का या सर॑स्वती ।
- 2.032.08c इन्द्रा॑णीम॒ह ऊ॒तये॑ वरु॒णानीं॑ स्वस्तये ॥

- 2.033.01a आ ते॑ पि॒तर्म॑रुतां सु॒म्रमे॑तु मा नः॒ सूर्य॑स्य संदृ॒शो यु॑योथाः ।
- 2.033.01c अभि॑ नो वी॒रो अ॒र्वति॑ क्षमे॒त प्र जा॑येमहि रु॒द्र प्र॒जाभिः॑ ॥
- 2.033.02a त्वाद्त्ते॑भी रु॒द्र श॑न्तमेभिः श॒तं हि॒मा अ॒शीय॑ भेष॒जेभिः॑ ।
- 2.033.02c व्य॑श्मद्द्वेषो॑ वि॒तरं॑ व्य॒हो व्य॑मीवाश्चा॒तय॑स्वा वि॒षूचीः॑ ॥
- 2.033.03a श्रेष्ठो॑ जा॒तस्य॑ रु॒द्र श्रि॒यासि॑ तव॒स्तम॑स्तवसां वज्र॒बाहो॑ ।
- 2.033.03c पर्षि॑ णः पार॒मंह॑सः स्व॒स्ति वि॒श्वा अ॒भीती॑ रप॒सो यु॑योधि ॥
- 2.033.04a मा त्वा॑ रु॒द्र चु॒क्रुधा॑मा नमो॒भिर्मा दु॑ष्टती वृष॒भ मा स॑हृती ।
- 2.033.04c उन्नो॑ वी॒राँ अ॒र्पय॑ भेष॒जेभि॑र्भिष॒क्तमं॑ त्वा भिष॒जां शृ॑णोमि ॥
- 2.033.05a हवी॑मभिर्ह॒वते॑ यो ह॒विर्भिर॑व स्तो॒मेभी॑ रु॒द्रं दि॑षीय ।

- 2.033.05c ऋदू॒दरः॑ सु॒हवो॑ मा नो॒ अस्यै॑ ब॒भ्रुः सु॒शिप्रो॑ री॒रध॑न्मनायै ॥
- 2.033.06a उन्मा॑ मम॒न्द वृष॑भो मरु॒त्वान्त्व॑दीयसा वयसा॑ नाध॒मानम् ॥
- 2.033.06c घृ॒णीव॑ च्छायामरपा॑ अशीया॑ विवासेयं रु॒द्रस्य॑ सु॒म्रम् ॥
- 2.033.07a क्व॑स्य ते रु॒द्र मृ॒ळया॑कु॒र्हस्तो॑ यो अ॒स्ति भेष॑जो जला॒षः ।
- 2.033.07c अ॒पभ॑र्ता रपसो॑ दै॒व्यस्या॑भी नु मा॑ वृषभ च॒क्षमी॑थाः ॥
- 2.033.08a प्र ब॒भ्रवे॑ वृष॒भाय॑ श्विती॒चे महो॑ म॒हीं सु॒ष्टुति॑मीरयामि ।
- 2.033.08c नम॑स्या क॒ल्मली॑किनं नमो॑भिर्गृणीमसि॑ त्वेषं॑ रु॒द्रस्य॑ नाम ॥
- 2.033.09a स्थि॑रोभि॒रङ्गैः॑ पुरु॒रूप॑ उग्रो ब॒भ्रुः शु॒क्रेभिः॑ पिपि॒शे हिर॑ण्यैः ।
- 2.033.09c ई॒शाना॑दस्य भुवनस्य॑ भूरे॒र्न वा उ॑ योष॒द्रुद्रा॑दसुर्यम् ॥
- 2.033.10a अ॒र्हन्वि॑भर्षि॒ साय॑कानि धन्वा॒र्हन्निष्कं॑ यजतं॒ विश्व॑रूपम् ।
- 2.033.10c अ॒र्हन्नि॑दं दयसे॒ विश्व॑मभ्वं न वा अ॒ोजी॑यो रु॒द्र त्वद॑स्ति ॥
- 2.033.11a स्तु॒हि श्रु॑तं ग॒र्तस॑दं यु॒वानं॑ मृ॒गं न भी॑ममु॒पह॑त्नुमु॒ग्रम् ।
- 2.033.11c मृ॒ळा ज॑रि॒त्रे रु॒द्र स्त॑वानोऽन्यं॒ ते अ॒स्मन्नि॑ वपन्तु॒ सेनाः॑ ॥
- 2.033.12a कु॒मारश्चि॑त्पि॒तरं॑ वन्द॒मानं॑ प्रति॒ नाना॑म रु॒द्रोप॑यन्तम् ।
- 2.033.12c भूरे॑र्दा॒तारं॑ सत्पतिं॒ गृणी॑षे स्तु॒तस्त्वं॑ भेष॒जा रा॑स्यस्मे ॥
- 2.033.13a या वो॑ भेष॒जा म॑रुतः शु॒चीनि॑ या श॒न्तमा॑ वृष॒णो या म॑योभु ।
- 2.033.13c या॒नि म॒नुर॑वृणी॒ता पि॒ता न॒स्ता शं च॑ योश्च॒ रुद्र॑स्य॒ वशि॑म ॥
- 2.033.14a परि॑ गो हे॒ती रु॒द्रस्य॑ वृ॒ज्याः परि॑ त्वेष॒स्य दु॑र्मति॒र्मही॑ गात् ।

2.033.14c अ॒व॒ स्थि॒रा म॒घव॒द्भ्यस्तनु॒ष्व मी॒द्वस्तो॒काय॒ तनया॑य॒ मृळ॑ ॥

2.033.15a ए॒वा ब॒भ्रो वृ॒षभ॑ चे॒कितान॑ यथा॒ देव॑ न ह॒णीषे॑ न हंसि॑ ।

2.033.15c ह॒वनश्रु॒न्नो रु॒द्रेह॑ बो॒धि बृ॒हद्व॒देम॑ वि॒दथे॑ सु॒वीराः॑ ॥

2.034.01a धा॒राव॒रा म॒रुतो॑ धृ॒ष्यवो॑जसो॒ मृगा॑ न भी॒मास्त॑वि॒षीभि॑रर्चि॒नः ।

2.034.01c अ॒ग्नयो॑ न शु॒शुचा॑ना ऋ॒जीषि॑णो भृ॒मिं ध॑मन्तो॒ अप॒ गा अ॒वृण॑वत् ॥

2.034.02a द्या॒वो न॑ स्तृ॒भिश्चित॑यन्त॒ खादि॑नो॒ व्यश्रि॑त्या न द्यु॒तय॑न्त॒ वृष्ट॑यः ।

2.034.02c रु॒द्रो यद्वो॑ म॒रुतो॑ रु॒क्मव॑क्षसो॒ वृषा॑जनि॒ पृश॑न्याः शु॒क्र ऊ॒धनि॑ ॥

2.034.03a उ॒त्तन्ते॑ अ॒श्वँ अ॒त्याँ इ॒वाजि॑षु॒ नद॑स्य॒ कर्णो॑स्तु॒रय॑न्त॒ आशु॑भिः ।

2.034.03c हि॒रण्य॑शि॒प्रा म॒रुतो॑ द॒विध्व॑तः॒ पृक्षं॑ याथ॒ पृष॑तीभिः॒ सम॑न्यवः ॥

2.034.04a पृ॒क्षे ता॑ वि॒श्वा भु॒वना॑ वव॒क्षिरे॑ मि॒त्राय॑ वा॒ सद॒मा जी॒रदा॑नवः ।

2.034.04c पृ॒षद॑श्वा॒सो अ॒नव॑भ्र॒राध॑स॒ ऋजि॑प्या॒सो न॑ व॒युने॑षु॒ धूर्ष॑दः ॥

2.034.05a इ॒न्धन्व॑भि॒र्धेनु॑भी॒ र॒पश॑दू॒धभि॑र॒ध्वस्म॑भिः॒ पथि॑भि॒र्भ्राज॑दृष्टयः ।

2.034.05c आ॒ हंसा॑सो॒ न स्व॑स॒राणि॑ गन्त॒न म॒धोर्म॑दाय॒ मरु॑तः॒ सम॑न्यवः ॥

2.034.06a आ॒ नो ब्र॑ह्मा॒णि म॒रुतः॑ सम॒न्यवो॑ न॒रां न शंसः॑ स॒वनानि॑ गन्त॒न ।

2.034.06c अ॒श्वामि॑व पि॒प्यत॑ धे॒नुमू॑धनि॒ कर्ता॑ धि॒यं ज॑रि॒त्रे वा॑ज॒पेश॑सम् ॥

2.034.07a तं नो॑ दा॒त म॒रुतो॑ वा॒जिनं॑ रथ॒ आपा॑नं॒ ब्रह्म॑ चि॒तय॑द्वि॒वेदिवे॑ ।

2.034.07c इ॒षं स्तो॑तृ॒भ्यो वृ॒जने॑षु॒ कार॑वे॒ सनि॑ मे॒धाम॑रि॒ष्टं दु॒ष्टरं॑ सहः ॥

- 2.034.08a यद्युञ्जते मरुतो रुक्मवत्क्षसोऽश्वात्रथेषु भग आ सुदानवः ।
- 2.034.08c धेनुर्न शिश्वे स्वसरेषु पिन्वते जनाय रातहविषे महीमिषम् ॥
- 2.034.09a यो नो मरुतो वृकताति मर्त्यो रिपुर्दधे वसवो रक्षता रिषः ।
- 2.034.09c वर्तयत तपुषा चक्रियाभि तमव रुद्रा अशसो हन्तना वधः ॥
- 2.034.10a चित्रं तद्वो मरुतो याम चेकिते पृश्न्या यदूधरप्यापयो दुहुः ।
- 2.034.10c यद्वा निदे नवमानस्य रुद्रियास्त्रितं जराय जुरतामदाभ्याः ॥
- 2.034.11a तान्वो महो मरुत एवयान्नो विष्णोरेषस्य प्रभृथे हवामहे ।
- 2.034.11c हिरण्यवर्णान्कुकुहान्यतस्रुचो ब्रह्मण्यन्तः शंस्यं राध ईमहे ॥
- 2.034.12a ते दशग्वाः प्रथमा यज्ञमूहिरे ते नो हिन्वन्तूषसो व्युष्टिषु ।
- 2.034.12c उषा न रामीरुगौरपोणुति महो ज्योतिषा शुचता गोअर्णसा ॥
- 2.034.13a ते क्षोणीभिररुणेभिर्नाञ्जिभी रुद्रा ऋतस्य सदनेषु वावृधुः ।
- 2.034.13c निमेघमाना अत्येन पाजसा सुश्चन्द्रं वर्णं दधिरे सुपेशसम् ॥
- 2.034.14a ताँ इयानो महि वरूथमूतय उप घेदेना नमसा गृणीमसि ।
- 2.034.14c त्रितो न यान्पञ्च होतृनभिष्टय आववर्तदवराञ्चक्रियावसे ॥
- 2.034.15a यया रध्रं पारयथात्यंहो यया निदो मुञ्चथ वन्दितारम् ।
- 2.034.15c अर्वाची सा मरुतो या व ऊतिरो षु वाश्रेव सुमतिर्जिगातु ॥
- 2.035.01a उपेमसृत्ति वाजयुर्वचस्यां चनो दधीत नाद्यो गिरो मे ।

- 2.035.01c अ॒पां॑ न॒पादा॑ शु॒हे॒मा॑ कु॒वित्स॑ सु॒पेश॑स॒स्कर॑ति॒ जोषि॑षद्धि ॥
- 2.035.02a इ॒मं॑ स्व॒स्मै॑ हृ॒द् आ॑ सु॒तष्टं॑ म॒न्त्रं॑ वो॒चे॒म कु॒विद॑स्य वे॒दत् ।
- 2.035.02c अ॒पां॑ न॒पाद॑सु॒र्यस्य॑ म॒ह्ना॑ वि॒श्वान्य॑र्यो॒ भुव॑ना ज॒जान॑ ॥
- 2.035.03a स॒म॒न्या॑ य॒न्त्यु॒प य॒न्त्य॒न्याः॑ स॒मान॑मूर्॒व न॒द्यः॑ पृ॒णन्ति॑ ।
- 2.035.03c त॒मू शु॒चिं॑ शु॒चयो॑ दी॒दिवा॑स॒मपां॑ न॒पातं॑ परि॒ तस्थु॑रापः ॥
- 2.035.04a त॒मस्मे॑रा यु॒वत॑यो यु॒वानं॑ म॒र्मृज्य॑मा॒नाः॑ परि॒ यन्त्या॑पः ।
- 2.035.04c स॒ शु॒क्रे॒भिः॑ शि॒क्वभी॑ रे॒वद॑स्मे दी॒दाया॑नि॒ध्मो घृ॒तनि॑र्णि॒गप्सु॑ ॥
- 2.035.05a अ॒स्मै॑ ति॒स्रो अ॒व्यथ्या॑य नारी॒र्दे॒वाय॑ दे॒वीर्दि॑धिष॒न्त्यन्न॑म् ।
- 2.035.05c कृ॒ता इ॒वोप॑ हि प्र॒सस्त्रे॑ अ॒प्सु स॑ पी॒यूषं॑ ध॒यति॑ पू॒र्वसू॑नाम् ॥
- 2.035.06a अ॒श्वस्या॑त्र॒ जनि॑मा॒स्य च॑ स्व॒र्द्रु॒हो रि॒षः स॒म्पृचः॑ पा॒हि सू॒रीन् ।
- 2.035.06c आ॒मासु॑ पू॒र्षु प॒रो अ॒प्रमृ॑ष्यं नारा॒तयो॑ वि॒ नश॑न्ना॒नृतानि॑ ॥
- 2.035.07a स्व॒ आ॑ द॒मे सु॒दुघा॑ य॒स्य॑ घे॒नुः स्व॒धां पी॑पाय सु॒भ्वन्न॑मत्ति ।
- 2.035.07c सो॒ अ॒पां॑ न॒पादूर्ज॑य॒न्नप्स्व॑श्॒न्तर्व॑सु॒देया॑य वि॒धते॑ वि॒ भाति॑ ॥
- 2.035.08a यो॒ अ॒प्स्वा शु॒चिना॑ दै॒व्येन॑ अ॒तावा॑ज॒स्र उ॒र्विया॑ वि॒भाति॑ ।
- 2.035.08c व॒या इ॒दन्या॑ भु॒वनान्य॑स्य प्र॒ जाय॑न्ते वी॒रुध॑श्च प्र॒जाभिः॑ ॥
- 2.035.09a अ॒पां॑ न॒पादा॑ ह्य॒स्थादु॑प॒स्थं जि॒ह्वाना॑मू॒र्ध्वो वि॒द्युतं॑ व॒सानः॑ ।
- 2.035.09c तस्य॑ ज्येष्ठं म॒हिमा॑नं व॒हन्ती॑र्हि॒रण्य॑व॒र्णाः॑ परि॒ यन्ति॑ य॒ह्वीः ॥
- 2.035.10a हि॒रण्य॑रूपः स हि॒रण्य॑सं॒दृग॑पां॒ नपा॑त्सेदु॒ हि॒रण्य॑व॒र्णाः ।

- 2.035.10c हिरण्ययात्परि योनेर्निषद्या हिरण्यदा ददत्यन्नमस्मै ॥
- 2.035.11a तदस्यानीकमुत चारु नामापीच्यं वर्धते नमुरपाम् ।
- 2.035.11c यमिन्धते युवतयः समित्था हिरण्यवर्णं घृतमन्नमस्य ॥
- 2.035.12a अस्मै बहूनामवमाय सरुये यज्ञैर्विधेम नमसा हविर्भिः ।
- 2.035.12c सं सानु माज्जिर्म दिधिषामि बिल्मैर्दधाम्यन्नैः परि वन्द ऋग्भिः ॥
- 2.035.13a स ई वृषाजनयत्तासु गर्भं स ई शिशुर्धयति तं रिहन्ति ।
- 2.035.13c सो अपां नपादनभिम्लातवर्णोऽन्यस्येवेह तन्वा विवेष ॥
- 2.035.14a अस्मिन्पदे परमे तस्थिवांसमध्वस्मभिर्विश्वहा दीदिवांसम् ।
- 2.035.14c आपो नप्त्रे घृतमन्नं वहन्तीः स्वयमत्कैः परि दीयन्ति यहीः ॥
- 2.035.15a अयांसमन्ने सुक्षितिं जनायायांसमु मघवद्भ्यः सुवृक्तिम् ।
- 2.035.15c विश्वं तद्भद्रं यदवन्ति देवा बृहद्वदेम विदथे सुवीराः ॥
- 2.036.01a तुभ्यं हिन्वानो वसिष्ठ गा अपोऽधुत्तन्सीमविभिरद्रिभिर्नरः ।
- 2.036.01c पिबेन्द्र स्वाहा प्रहुतं वषट्कृतं होत्रादा सोमं प्रथमो य ईशिषे ॥
- 2.036.02a यज्ञैः सम्मिक्षाः पृषतीभिर्ऋष्टिभिर्यामञ्छुभ्रासो अञ्जिषु प्रिया उत ।
- 2.036.02c आसद्या बर्हिर्भरतस्य सूनवः पोत्रादा सोमं पिबता दिवो नरः ॥
- 2.036.03a अमेव नः सुहवा आ हि गन्तन नि बर्हिषि सदतना रणिष्टन ।
- 2.036.03c अथा मन्दस्व जुजुषाणो अन्धसस्त्वष्टदेवेभिर्जनिभिः सुमद्गणः ॥

2.036.04a आ व॒क्षि दे॒वाँ इ॒ह वि॒प्र य॒क्षि चो॒शन्हो॒तर्नि ष॒दा यो॒निषु॒ त्रिषु॒ ।

2.036.04c प्र॒ति वी॒हि प्र॒स्थितं॑ सो॒म्यं म॒धु पि॒बाग्नी॑ध्रा॒त्तव॑ भा॒गस्य॑ तृ॒प्णुहि॑ ॥

2.036.05a ए॒ष स्य॑ ते॒ तन्वो॑ नृ॒म्णव॑र्धनः॒ सह॑ अ॒जः प्र॒दिवि॑ बा॒होर्हितः॑ ।

2.036.05c तु॒भ्यं सु॒तो म॒घव॑न्तु॒भ्यमा॑भृ॒तस्त्व॑मस्य॒ ब्राह्म॑णादा॒ तृप॑त्पिब ॥

2.036.06a जु॒षेथां॑ य॒ज्ञं बो॒धतं॑ ह॒वस्य॑ मे॒ सत्तो॑ होता॒ निवि॑दः॒ पूर्या॑ अनु॒ ।

2.036.06c अ॒च्छा॑ रा॒जाना॑ नम॒ एत्या॑वृतं॒ प्रशा॑स्त्रादा॒ पिब॑तं सो॒म्यं म॒धु ॥

2.037.01a म॒न्दस्व॑ हो॒त्राद॑नु॒ जोष॑मन्ध॒सोऽध्व॑र्यवः॒ स पू॒र्णा व॑ष्ट्या॒सिच॑म् ।

2.037.01c तस्मा॑ ए॒तं भ॑रत॒ तद्व॑शो॒ ददि॑र्हो॒त्रात्सो॑मं॒ द्रवि॑णोदः॒ पिब॑ ऋ॒तुभिः॑ ॥

2.037.02a यमु॑ पू॒र्वम॑हु॒वे त॑मिदं॒ हुवे॑ से॒दु ह॒व्यो द॑दिर्यो॒ नाम॑ प॒त्यते॑ ।

2.037.02c अ॒ध्वर्यु॑भिः॒ प्रस्थि॑तं सो॒म्यं म॒धु पो॒त्रात्सो॑मं॒ द्रवि॑णोदः॒ पिब॑ ऋ॒तुभिः॑ ॥

2.037.03a मे॒घन्तु॑ ते॒ वह्न्यो॑ ये॒भिरी॑यसे॒ऽरि॑षयन्वी॒ळ्यस्वा॑ वनस्प॒ते ।

2.037.03c आ॒यूया॑ धृ॒ष्णो अ॒भिगू॑र्या॒ त्वं ने॒ष्ट्रात्सो॑मं॒ द्रवि॑णोदः॒ पिब॑ ऋ॒तुभिः॑ ॥

2.037.04a अ॒पा॒द्धो॒त्रादु॑त॒ पो॒त्राद॑मत्तो॒त ने॒ष्ट्राद॑जुष॒त प्र॑यो॒ हित॑म् ।

2.037.04c तु॒रीयं॑ पा॒त्रम॑मृ॒क्तम॑म॒र्त्यं द्र॑वि॒णोदाः॑ पि॒बतु॑ द्रा॒विणो॑दसः ॥

2.037.05a अ॒र्वाञ्च॑म॒द्य य॒य्यं नृ॒वाह॑णं॒ रथं॑ यु॒ञ्जाथा॑मि॒ह वां वि॑मो॒चन॑म् ।

2.037.05c पृ॒ङ्गं ह॒वीषि॑ म॒धुना॑ हि॒ कं ग॑तम॒था सो॑मं॒ पिब॑तं वा॒जिनी॑वसू ॥

2.037.06a जो॒ष्यग्ने॑ स॒मिधं॑ जो॒ष्याहु॑तिं॒ जोषि॑ ब्र॒ह्म ज॑न्यं॒ जोषि॑ सु॒ष्टुति॑म् ।

- 2.037.06c विश्वेभिर्विश्वाँ ऋतुना वसो मह उशन्देवाँ उशतः पायया हविः ॥
- 2.038.01a उदु ष्य देवः सविता सवाय शश्वत्तमं तदपा वह्निरस्थात् ।
- 2.038.01c नूनं देवेभ्यो वि हि धाति रत्नमथाभजद्वीतिहोत्रं स्वस्तौ ॥
- 2.038.02a विश्वस्य हि श्रुष्टये देव ऊर्ध्वः प्र बाहवा पृथुपाणिः सिसर्ति ।
- 2.038.02c आपश्चिदस्य व्रत आ निमृग्रा अयं चिद्वातो रमते परिज्मन् ॥
- 2.038.03a आशुभिश्चिद्यान्वि मुचाति नूनमरीरमदतमानं चिदेतोः ।
- 2.038.03c अह्यर्षूणां चिन्त्ययाँ अविष्यामनु व्रतं सवितुर्मोक्यागात् ॥
- 2.038.04a पुनः समव्यद्विततं वयन्ती मध्या कर्तोर्न्यधाच्छक्म धीरः ।
- 2.038.04c उत्संहायास्थाद्द्यूश्तूरदर्धररमतिः सविता देव आगात् ॥
- 2.038.05a नानौकांसि दुर्यो विश्वमायुर्वि तिष्ठते प्रभवः शोको अग्नेः ।
- 2.038.05c ज्येष्ठं माता सूनवे भागमाधादन्वस्य केतमिषितं सवित्रा ॥
- 2.038.06a समाववर्ति विष्ठितो जिगीषुर्विश्वेषां कामश्चरताममाभूत् ।
- 2.038.06c शश्वँ अपो विकृतं हित्व्यागादनु व्रतं सवितुर्दैव्यस्य ॥
- 2.038.07a त्वया हितमप्यमप्सु भागं धन्वान्वा मृगयसो वि तस्थुः ।
- 2.038.07c वनानि विभ्यो नकिरस्य तानि व्रता देवस्य सवितुर्मिनन्ति ॥
- 2.038.08a याद्राध्यंशं वरुणो योनिमप्यमनिशितं निमिषि जर्भुराणः ।
- 2.038.08c विश्वो मार्तारण्डो व्रजमा पशुर्गात्स्थशो जन्मानि सविता व्याकः ॥

- 2.038.09a न यस्येन्द्रो वरुणो न मित्रो व्रतमर्यमा न मिनन्ति रुद्रः ।
- 2.038.09c नारातयस्तमिदं स्वस्ति हुवे देवं सवितारं नमोभिः ॥
- 2.038.10a भगं धियं वाजयन्तः पुरंधिं नराशंसो ग्रास्पतिर्नो अग्न्याः ।
- 2.038.10c आये वामस्य संगथे रयीणां प्रिया देवस्य सवितुः स्याम ॥
- 2.038.11a अस्मभ्यं तद्विवो अद्भ्यः पृथिव्यास्त्वया दत्तं काम्यं राध आ गात् ।
- 2.038.11c शं यत्स्तोतृभ्य आपये भवात्युरुशंसाय सवितर्जरित्रे ॥

- 2.039.01a ग्रावाणोव तदिदर्थं जरेथे गृध्रेव वृद्धं निधिमन्तमच्छ ।
- 2.039.01c ब्रह्माणोव विदथ उक्थशासा दूतेव हव्या जन्या पुरुत्रा ॥
- 2.039.02a प्रातर्यावाणा रथ्येव वीराजेव यमा वरमा सचेथे ।
- 2.039.02c मेने इव तन्वाश् शुम्भमाने दम्पतीव क्रतुविदा जनेषु ॥
- 2.039.03a शृङ्गेव नः प्रथमा गन्तमर्वाक्छफाविव जर्भुराणा तरोभिः ।
- 2.039.03c चक्रवाकेव प्रति वस्तोरुस्रार्वाञ्चा यातं रथ्येव शक्रा ॥
- 2.039.04a नावेव नः पारयतं युगेव नभ्येव न उपधीव प्रधीव ।
- 2.039.04c श्वानेव नो अरिषण्या तनूनां खृगलेव विस्रसः पातमस्मान् ॥
- 2.039.05a वातेवाजुर्या नद्येव रीतिरक्षी इव चक्षुषा यातमर्वाक् ।
- 2.039.05c हस्ताविव तन्वेश् शम्भविष्ठा पादेव नो नयतं वस्यो अच्छ ॥
- 2.039.06a ओष्ठाविव मध्वास्त्रे वदन्ता स्तनाविव पिप्यतं जीवसे नः ।

- 2.039.06c नासे॑व न॒स्तन्वो॑ र॒क्षिता॑रा क॒र्णा॑विव सु॒श्रुता॑ भू॒तम॑स्मे ॥
- 2.039.07a ह॒स्ते॑व श॒क्ति॑मभि सं॒ददी॑ नः क्षा॒मेव॑ नः स॒मज॑तं रजांसि॑ ।
- 2.039.07c इ॒मा गि॑रो अ॒श्वि॑ना युष्म॒यन्तीः॑ द॒णोत्रे॑णो॒व स्व॑धि॒तिं सं शि॑शी॒तम् ॥
- 2.039.08a ए॒तानि॑ वा॒मश्वि॑ना व॒र्धना॑नि ब्र॒ह्म स्तो॑मं गृ॒त्सम॑दासो अ॒क्रन् ।
- 2.039.08c तानि॑ नरा जु॒जुषा॑णोप या॒तं बृ॒हद्व॑दे॒म वि॒दथे॑ सु॒वीराः॑ ॥
- 2.040.01a सो॒मापू॑षणा॒ जन॑ना र॒यीणां॑ ज॒नना॑ दि॒वो ज॒नना॑ पृथि॒व्याः ।
- 2.040.01c जा॒तौ वि॒श्वस्य॑ भु॒वनस्य॑ गो॒पौ दे॒वा अ॒कृ॒ण्वन्न॑मृ॒तस्य॑ ना॒भिम् ॥
- 2.040.02a इ॒मौ दे॒वौ जा॑य॒मानौ॑ जु॒षन्ते॑मौ त॒मांसि॑ गू॒हता॑मजु॒ष्टा ।
- 2.040.02c आ॒भ्यामि॑न्द्रः प॒क्वमा॑मास्व॒न्तः सो॒मापू॑ष॒भ्यां ज॒नदु॒स्त्रिया॑सु ॥
- 2.040.03a सो॒मापू॑षणा॒ रज॑सो वि॒मानं॑ स॒प्तच॑क्रं रथ॒मवि॑श्वमि॒न्वम् ।
- 2.040.03c वि॒षूवृ॑तं म॒नसा॑ यु॒ज्यमा॑नं तं जि॒न्वथो॑ वृष॒णा प॒ञ्चर॑श्मि॒म् ॥
- 2.040.04a दि॒व्यश्न्यः॑ स॒दनं॑ च॒क्र उ॒च्चा पृ॑थि॒व्याम॑न्यो अ॒ध्यन्त॑रि॒क्षे ।
- 2.040.04c ता॒वस्म॑भ्यं पु॒रुवा॑रं पु॒रुक्षुं॑ रा॒यस्पो॑षं वि॒ष्यतां॑ ना॒भि॒मस्मे ॥
- 2.040.05a वि॒श्वान्य॑न्यो भु॒वना॑ ज॒जान॑ वि॒श्वम॑न्यो अ॒भिच॑क्षा॒ण ए॒ति ।
- 2.040.05c सो॒मापू॑षणा॒वव॑तं धि॒यं मे॑ यु॒वाभ्यां॑ वि॒श्वाः पृ॑त॒ना ज॑येम ॥
- 2.040.06a धि॒यं पू॒षा जि॒न्वतु॑ वि॒श्वमि॑न्वो र॒यिं सो॒मो र॑यि॒पति॑र्दधातु ।
- 2.040.06c अ॒वतु॑ दे॒व्यदि॑तिर॒नर्वा॑ बृ॒हद्व॑दे॒म वि॒दथे॑ सु॒वीराः॑ ॥

- 2.041.01a वा॒यो॒ ये॒ ते॒ स॒ह॒स्रि॒णो॒ र॒था॒स॒स्ते॒भि॒रा॒ ग॒हि॒ ।
- 2.041.01c नि॒यु॒त्वान्॒सो॒म॒पी॒तये॑ ॥
- 2.041.02a नि॒यु॒त्वान्वा॒यवा॑ ग॒ह्य॒यं शु॒क्रो अ॒यामि॑ ते ।
- 2.041.02c ग॒न्ता॑सि सु॒न्वतो॑ गृ॒हम् ॥
- 2.041.03a शु॒क्र॒स्याद्य॑ ग॒वा॒शिर॑ इ॒न्द्रवा॒यू नि॒यु॒त्वतः॑ ।
- 2.041.03c आ॒ या॒तं पि॒बतं॑ न॒रा ॥
- 2.041.04a अ॒यं वां मि॒त्रा॒वरु॑णा सु॒तः सो॒म ऋ॒तावृ॑धा ।
- 2.041.04c म॒मे॒दि॒ह श्रु॑तं ह॒वम् ॥
- 2.041.05a रा॒जा॒ना॒वन॑भि॒द्रु॒हा ध्रु॒वे स॒द॒स्यु॒त्तमे॑ ।
- 2.041.05c स॒ह॒स्र॒स्थू॒ण आ॒सा॒ते ॥
- 2.041.06a ता स॒म्रा॒जा घृ॒ता॒सु॒ती आ॒दि॒त्या दा॒नु॒न॒स्पती॑ ।
- 2.041.06c स॒चे॒ते अ॒न॒व॒ह॒रम् ॥
- 2.041.07a गो॒म॒दू षु॑ ना॒स॒त्या॒श्वा॒व॒द्या॒तम॑श्चि॒ना ।
- 2.041.07c वर्ती॑ रु॒द्रा नृ॒पा॒य्यम् ॥
- 2.041.08a न य॒त्प॒रो ना॒न्तर॑ आ॒द॒ध॒र्ष॑द्वृ॒षण॑व॒सू ।
- 2.041.08c दुःशं॑सो म॒र्त्यो रि॒पुः ॥
- 2.041.09a ता न आ॒ वो॒ळ्ह॑म॒श्चि॒ना र॒यिं पि॒श॒ङ्ग॑सं॒दृश॑म् ।

- 2.041.09c धिष्णया॑ वरिवो॑विदम् ॥
- 2.041.10a इन्द्रो॑ अङ्ग॑ महद्भय॑मभी षदप॑ चुच्यवत् ।
- 2.041.10c स हि॑ स्थिरो॑ विचर्षणिः ॥
- 2.041.11a इन्द्रश्च॑ मृळयाति॑ नो न नः॑ पश्चादघं॑ नशत् ।
- 2.041.11c भद्रं॑ भवाति॑ नः पुरः ॥
- 2.041.12a इन्द्र॑ आशाभ्य॑स्परि॒ सर्वाभ्यो॑ अभयं॑ करत् ।
- 2.041.12c जेता॑ शत्रून्विचर्षणिः ॥
- 2.041.13a विश्वे॑ देवास॒ आ गत॑ शृणुता॑ म इमं॑ हवम् ।
- 2.041.13c एदं॑ बर्हिर्नि॑ षीदत ॥
- 2.041.14a तीव्रो॑ वो मधु॑माँ अयं॑ शुनहो॑त्रेषु मत्सरः ।
- 2.041.14c एतं॑ पिबत॑ काम्यम् ॥
- 2.041.15a इन्द्र॑ज्येष्ठा मरुद्भ॑रणा देवासः॑ पूषरा॑तयः ।
- 2.041.15c विश्वे॑ मम श्रुता॑ हवम् ॥
- 2.041.16a अम्बि॑तमे नदी॑तमे देवि॑तमे सर॑स्वति ।
- 2.041.16c अप्र॑शस्ता इव॑ स्मसि॑ प्रश॑स्तिमम्ब नस्कृ॑धि ॥
- 2.041.17a त्वे विश्वा॑ सर॑स्वति श्रि॒तायूंषि॑ देव्याम् ।
- 2.041.17c शुनहो॑त्रेषु मत्स्व॑ प्रजां दे॒वि दिदि॑डिढ नः ॥
- 2.041.18a इमा॑ ब्रह्म॑ सर॑स्वति जुष॑स्व वाजि॑नीवति ।

2.041.18c या ते मन्म गृत्समदा ऋतावरि प्रिया देवेषु जुहति ॥

2.041.19a प्रेतां यज्ञस्य शम्भुवा युवामिदा वृणीमहे ।

2.041.19c अग्निं च हव्यवाहनम् ॥

2.041.20a द्यावा नः पृथिवी इमं सिध्नमद्य दिविस्पृशम् ।

2.041.20c यज्ञं देवेषु यच्छताम् ॥

2.041.21a आ वामुपस्थमद्रुहा देवाः सीदन्तु यज्ञियाः ।

2.041.21c इहाद्य सोमपीतये ॥

2.042.01a कनिक्रदज्जनुषं प्रब्रुवाण इयति वाचमरितेव नावम् ।

2.042.01c सुमङ्गलश्च शकुने भवासि मा त्वा का चिदभिभा विश्व्या विदत् ॥

2.042.02a मा त्वा श्येन उद्धीन्मा सुपर्णो मा त्वा विदिषुमान्वीरो अस्ता ।

2.042.02c पित्र्यामनु प्रदिशं कनिक्रदत्सुमङ्गलो भद्रवादी वदेह ॥

2.042.03a अव क्रन्द दक्षिणतो गृहाणां सुमङ्गलो भद्रवादी शकुन्ते ।

2.042.03c मा न स्तेन ईशत माघशंसो बृहद्वदेम विदथे सुवीराः ॥

2.043.01a प्रदक्षिणिदभि गृणन्ति कारवो वयो वदन्त ऋतुथा शकुन्तयः ।

2.043.01c उभे वाचौ वदति सामगा इव गायत्रं च त्रैष्टुभं चानु राजति ॥

2.043.02a उद्गातेव शकुने साम गायसि ब्रह्मपुत्र इव सवनेषु शंससि ।

- 2.043.02c वृषे॑व वा॒जी शि॒शुमती॑रपी॒त्या सर्वा॑तो नः शकु॑ने भ॒द्रमा॑ वद॒ विश्व॑तो नः शकु॑ने पु॒ण्यमा॑ वद ॥
- 2.043.03a आ॒वदँ॑स्त्वं शकु॑ने भ॒द्रमा॑ वद॒ तूष्णी॑मासी॒नः सु॒मतिं॑ चि॒किद्धि॑ नः ।
- 2.043.03c यदु॑त्प॒तन्व॑दसि॒ कर्करि॑र्यथा॒ बृह॑द्व॒देम॑ वि॒दथे॑ सु॒वीराः॑ ॥

Notes by [Detlef Eichler](mailto:detlefeichler@googlemail.com) (detlefeichler@googlemail.com):

1. Please note that this PDF file is not for commercial use and released only for personal scholarly activity.
2. This Devanāgarī version of Rigveda is from an ITRANS file which I have created on the basis of [The Aufrecht/van Nooten/Holland \(Samhita\) version of the Rigveda.](http://www.people.fas.harvard.edu/~witzel/onlineRV.htm) (<http://www.people.fas.harvard.edu/~witzel/onlineRV.htm>)
3. The font used for the Rigveda text is Ancient Sanskrit 99. For the numbers of Maṇḍala, Sūkta, and Mantra at the beginning of each line (1.001.01a) the font Times New Roman is used.
4. Last updated: 19 May 2010